

四庫全書

子部

欽定四庫全書

子部
玉海卷一百九十

詳校官中書

臣張經田

主事

臣祁韻士覆勘

總校官進士

臣朱

鈐

校對官主事

臣

陳文樞

謄錄監生

臣

曹錫璜

欽定四庫全書

主海卷一百九十

宋 王應麟 撰

兵捷

兵捷 露布二

晉宣威將軍武威太守平涼州

通鑑

武紀馬
隆傳

咸寧五年正月鮮卑樹機能陷涼州司馬

督馬隆曰臣能平之願募勇士三千人帥以西許之以

為討虜將軍武威太守募能引弓四鈞挽弩九石者取
之立標簡試自旦至日中得三千五百人請自至武庫
選仗帝命惟所取給三年軍資遣之隆西度溫水機能
眾數萬據險拒之隆作偏箱車轉戰行千餘里殺傷甚
眾拜宣威將軍隆至武威鮮卑大人帥萬餘落來降十
二月與機能大戰斬之涼州平

先是三年三月平虜護
軍文鸯討機能破之降

諸胡二
十萬口

晉龍驤將軍平吳

通鑑咸寧五年冬十一月晉大舉伐吳鎮軍將軍司馬
佃出涂中安東將軍王渾出江西建武將軍王戎出武
昌平南將軍胡奮出夏口鎮南將軍杜預出江陵龍驤
將軍王濬出巴東監軍唐彬下蜀漢東西凡二十餘萬
命賈充為使持節假黃鉞大都督屯襄陽為諸軍節度
冠軍將軍楊濟副之太康元年正月杜預向江陵王渾
出橫江攻吳鎮戍所向皆克二月王濬唐彬擊破丹陽
監盛紀進克西陵殺吳都督留憲等杜預遣牙門管定

周旨伍巢等帥奇兵八百泛舟夜渡江襲樂鄉多張旗幟起火巴山吳都督孫歆懼與江陵督伍延書曰北來諸軍乃飛渡江也旨等伏兵樂鄉城外歆遣軍出拒王濬大敗而還旨等散伏兵隨歆軍而入歆不覺直至帳下虜歆而還杜預進攻江陵克之斬伍延於是沅湘以南接于交廣吳之州郡皆望風送印綬仗節稱詔而撫綏之杜預與衆軍會議或曰百年之寇未可盡克方春水生難於久駐宜俟來冬更為大舉預曰昔樂毅藉濟

西一戰以并強齊今兵威已振譬如破竹之後迎刃而解無復著手處也遂指授羣帥方略徑造建業初詔書使王濬下建平受杜預節度至建業受王渾節度預至江陵謂諸將曰若濬得建平則順流長驅威名已著不宜令受制於我若不能克則無緣得施節度濬至西陵預與之書曰足下既摧其西藩便當徑取建業討累世之寇釋吳人於塗炭振旅還都亦一時之盛事也濬大悅自武昌順流徑趣建業吳主遣游擊將軍張象帥舟

師萬人禦之象望旗而降濬兵甲滿江旗幟燭天威勢甚盛吳人大懼分遣使者奉書於渾濬由以請降王濬舟師過三山王渾遣使要濬濬戎卒八萬方舟百里鼓譟入石頭吳主皓面縛輿櫬詣軍門降濬解縛焚櫬延請相見收其圖籍克州四郡四十三戶五十二萬三千兵二十三萬

或作三十三萬

朝廷聞吳已平羣臣皆賀上壽

摯虞上太康頌

帝執爵流涕曰此羊太傅之功也

紀及本傳建業並作秣陵

文並同

王濬傳武帝謀伐吳詔濬修舟艦乃作大船連

舫方百一十步受二千餘人以木為城起樓櫓舟楫之
盛自古未有尋拜濬為龍驤將軍時議咸諫伐吳濬上
疏願無失事機帝深納焉太康元年正月濬發自成都
率巴東監軍廣武將軍唐彬攻吳丹陽尅之吳人於江
險磧要害之處並鐵鑊橫截之又作鐵錐長丈餘暗置
江中以逆距船先具知情狀濬乃作大筏數十亦方百
餘步縛草為人被甲持仗令善水者以筏先行筏遇錐
輒著又作火炬長十餘丈大數十圍灌以麻油在船前

遇鎖燃炬燒之須臾融液斷絕船無所礙二月庚申克
吳西陵壬戌克荆門夷道二城乙丑尅樂鄉乙亥詔進
濬為平東將軍假節都督梁益諸軍事濬自發蜀兵不
血刃攻無堅城夏口武昌無一相支抗於是順流鼓棹
徑造三山皓送降文於濬奉璽綬委質請命壬寅濬入
于石頭收圖籍封府庫軍無私焉

晉奮威將軍豫州刺史祖逖復河南

論中原
豪傑

祖逖傳逖度江瑯琊王睿以為軍諮祭酒逖居京口糾

合驍健說王命將出師使如逖者統之以復中原郡國

豪傑必有望風響應者矣王素無北伐之志以逖為奮

威將軍豫州刺史

愍帝建興元年

給千人廩布三千疋不給鎧

仗使之自募逖將其部曲百餘家渡江中流擊楫而誓

曰祖逖不能清中原而復濟者有如大江遂屯淮陰起

冶鑄兵器募得二千餘人而後進克譙城遂鎮雍丘

元帝

建武元年

石勒鎮戍歸附者甚多詔加逖鎮西將軍

三年七月

逖

在軍與將士同甘苦約已務施勸課農桑撫納新附雖

疏賤者皆結以恩黃河以南盡為晉土 方推鋒越河
掃清冀朔 四星東聚五馬南浮 五鐸啟金陵之祚
晉侍中太尉都督荆江雍梁交廣益寧州諸軍
事平襄陽

陶侃傳

兼通鑑

顯宗咸和五年八月趙郭敬寇襄陽周撫

奔武昌七年侃遣子斌與南中郎將桓宣西伐樊城走
石勒將郭敬使兄子臻竟陵太守李陽等共破新野遂
平襄陽使桓宣守之

紀七年七月克樊城
拔新野襄陽戍之

孝武紀太

元四年二月苻堅使子丕攻陷襄陽執朱序九年四月使竟陵太守趙統伐襄陽克之

晉安西將軍平蜀

通鑑李特盜巴庸世歷五朝年將四紀勢昏虐人懷危懼加之荒儉永和二年十一月辛未安西將軍桓溫

載記

云大帥益州刺史周撫南郡太守譙王無忌伐漢拜表

即行加撫督梁州之四郡諸軍事使江夏相袁喬帥二千人為前鋒三年春二月軍至青衣漢主李勢大發兵

趣合水三月溫至彭模議者欲分為兩軍袁喬曰當合
勢齊力以取一戰之捷不如全軍而進從之溫自將步
卒直指成都李福進攻彭模孫盛等奮擊走之溫進遇
李權三戰三捷漢兵散走溫前鋒不利衆欲退袁喬拔
劍督士卒力戰大破之乘勝至成都勢送降文于溫尋
興觀面縛詣軍門六世凡四十六年紀永和三年三月乙丑
攻成都克之丁亥勢降益州平驅率餘燼敢距大邦
授甲晨征理均困獸斬關宵遁義殊前禽

晉征西將軍克關中

通鑑晉永和十年二月乙丑征西將軍桓溫統步騎四萬發江陵水軍自襄陽入均口至南鄉步兵自淅川趣武關命司馬勲出子午道以伐秦獲秦荊州刺史郭敬進擊青泥破之秦主健遣太子萇帥衆五萬軍于峽柳以拒溫四月己亥溫與秦兵戰于藍田大敗之桓冲又敗秦丞相雄于白鹿原溫轉戰而前壬寅至灊上三輔郡縣皆來降民爭持牛酒迎勞耆老有垂泣者曰不圖

今日復見官軍六月丁丑徙關中三千餘戶而歸王
猛謂長安咫尺而不度灞水

晉征虜將軍假征討大都督謝石破苻堅復壽

陽

通鑑

兼謝玄等傳
苻堅載記

晉孝武太元八年秦王苻堅大舉入

寇民每十丁選一兵其良家子年二十以下有材勇者
皆拜羽林郎八月戊午遣陽平公融督張蚝慕容垂等
步騎二十五萬為前鋒堅自率戎卒六十餘萬騎二十

七萬衆號百萬九月至于彭城東西萬里水陸齊進運糧萬艘自河入石門達于汝潁遣苻融慕容暉張蚝苻方等至潁口詔以謝石為征虜將軍征討大都督冠軍將軍謝玄為前鋒都督徐兗青等諸州軍事輔國將軍謝琰西中郎將桓伊等拒之衆凡八萬十月秦攻壽陽克之梁成王先等率衆五萬屯于洛澗柵淮以遏東兵謝石謝玄等去洛澗二十五里而軍憚成不敢進融於壽陽遣朱序來說石等使降序私謂石等曰若秦百萬

之衆盡至誠難與為敵今乘諸軍未集宜速擊之若敗
其前鋒則彼氣已奪可遂破也十一月石乃遣牢之以
精兵五千趣洛澗未至十里梁成阻澗為陣以待之牢
之直前渡水擊成大破之既斬成及成弟雲又分兵斷
其歸津秦步騎潰散爭赴淮水士卒死者萬五千人生
禽堅偽將梁他王顯等收其軍實石等諸軍水陸繼進
堅與融登壽陽城望之

時堅進屯壽陽

見晉兵部陣嚴整又望

見八公山上草木皆以為晉兵憮然始有懼色秦兵逼

肥水而陣晉兵不得渡堅曰但引兵少却使之半渡我以鐵騎蹙而殺之遂麾兵使却秦兵遂退不可復止玄

琰伊等引兵渡水擊之融馬倒為晉兵所殺秦兵遂潰

謝玄傳玄等以精銳八千涉度肥水石軍距張蚝少退玄琰仍進決戰肥水南堅中流矢臨陣斬融堅衆奔潰蹈籍投水死者不可勝計肥水為之不流乘勝追擊至于青岡秦兵大敗其

走者聞風聲鶴唳皆以為晉兵且至草行露宿死者十

七八獲堅所乘雲母車復取壽陽堅單騎走至淮北丁

亥石等歸建康 紀太元八年十月乙亥諸將及苻堅

戰於肥水大破之俘斬數萬計獲堅輿輦及雲母車

晉前鋒都督謝玄平兗青司豫

謝玄傳

兼通鑑

太元九年八月太保安奏苻堅喪敗宜乘

其釁以玄為前鋒都督率冠軍將軍桓石虔徑造渦潁

經畧舊都玄復率衆次彭城九月遣參軍劉襲攻堅兗

州刺史張崇於鄆城走之

辛卯使劉牢之守鄆城

河南城堡皆歸

附安上疏自求北征甲午加安都督揚江等十五州諸軍事加黃鉞

兗州既平玄立七

埭為派以利運漕十月遣淮陵太守高素以三千人向

廣固降青州刺史苻明又進伐冀州遣龍驤將軍劉牢之等據碣磔濟陽太守郭滹據滑臺命劉襲夜襲桑據走之遂克黎陽三魏皆降充青司豫平

晉蜀郡太守任權平益州

紀太元十年二月權斬苻堅益州刺史李平益州平

晉中軍將軍克南燕

通鑑義熙五年三月中軍將軍劉裕伐南燕慕容超自淮入泗五月至下邳留船艦輜重步進至琅邪所過皆

築城留兵守之過大峴至東莞六月前鋒孟龍符與燕
師戰破之於巨蔑水裕以車四千乘為左右翼方軌徐
進與燕戰臨朐南以奇兵從間道攻臨朐城克之乘勝
逐北獲其玉璽豹尾輦等進圍廣固克其大城超收衆
入保小城築長圍守之時五年六月丙子也六年二月丁亥克之
追獲超初燕王聞有晉師引羣臣會議時公孫五樓請
據大峴令不得入徐簡精騎循海而南絕其糧道別以
兗州之衆緣山東下腹背擊之以為上策燕主不從及

入峴裕舉手指天曰吾事濟矣師既過險士有必死之志餘糧棲畝軍無匱乏之憂虜入吾掌中矣燕慕容鎮曰成安君不守井陘之關終屈於韓信諸葛瞻不據東馬之險卒擒於鄧艾

德至趙二世凡十一年滅

角端掩月步搖翻

霜

晉建威將軍益州刺史平益州

紀義熙元年二月平西將軍譙縱害刺史毛璩以蜀叛六年十一月陷巴東八年十二月以朱齡石為建威將

軍益州刺史帥師伐蜀九年七月克成都斬縱益州平
譙縱傳縱自稱成都王遣使稱藩於姚興將順流東
寇以討劉裕為名乞師於興九年裕以朱齡石臧熹劉
鍾蒯恩等率眾二萬自江陵討縱六月齡石次白帝縱
遣譙道福重兵守涪齡石師次平模進攻皆剋斬侯暉
等縱出奔傳首建業

晉征西將軍司豫二州刺史克關洛

通鑑義熙十二年二月秦姚泓立四月乙丑劉裕表伐

關洛八月乙巳發建康遣龍驤將軍王鎮惡冠軍檀道濟將步軍自淮肥向許洛新野太守朱超石寧朔將軍胡藩趨陽城振武沈田子建威傅弘之趨武關建武沈林子彭城内史劉遵考將水軍出石門自汴入河冀州刺史王仲德督前鋒開鉅野入河九月裕至彭城鎮惡道濟入秦境所向皆捷屯守望風歛附道濟拔新蔡克許昌林子自汴入河克倉垣仲德入滑臺十月陽城縈陽降兵至成臯成臯虎牢降甲子至洛陽丙寅姚洸降

己丑脩謁五陵置守衛以毛脩之戍洛十一月西秦王
熾磐遣使求擊秦自效十三年二月鎮惡軍澠池前抵
潼關二月破姚紹丙子裕將水軍入清河七月至陝田
子弘之入武關進屯清泥關中郡縣多送款辛丑裕至
潼關鎮惡沂渭而上帥水軍自河入渭趨長安八月壬戌至渭橋破
姚丕入平朔門癸亥泓降九月裕至長安收秦彝器渾
儀土圭記里鼓指南車送建康關中平葦至泓三世凡二十二年
弭節而下長安係組而降軹道

宋右將軍平司兗

通鑑

又到彦之傳

宋元嘉七年三月戊子遣右將軍到彦之

侵魏且告曰當脩復舊境魏主曰我生髮未燥已聞河

南是我地權斂戍相避須河水堅合更取之到彦之自

淮入泗至須昌沂河西上魏主以河南四鎮兵少命諸

軍悉收衆北渡於是洛陽虎牢皆棄城去彦之使毛脩

之守滑臺尹冲守虎牢杜驥守金墉諸軍進屯靈昌津

列守南岸至于潼關於是司兗平

武帝置司州居虎牢
兗州居滑臺滑臺城

即鄭之
廩延

宋交州刺史克林邑

紀文帝元嘉二十三年六月交州刺史檀和之及振武將軍宗慤伐林邑國克之

陳都督征討諸軍事克壽陽

紀宣帝大建五年三月壬午以開府儀同三司吳明徹畧地北邊十月乙巳克壽陽斬王琳諸軍所在克捷

後魏中山王英平義陽露布

傳永傳義陽既平英使司馬陸希道為露布意謂不可令永改之永不增文采直與之改陳列軍儀處置形要孝文帝曰上馬能擊賊下馬作露布唯傳脩期耳

隋行軍元帥破突厥

紀開皇三年五月癸卯行軍總管李晃破突厥於摩那渡口壬戌行軍元帥竇榮定破突厥及吐谷渾於涼州六月戊寅突厥遣使請和四年二月庚戌突厥可汗阿史那玷率其屬來降六年春正月庚午班厯於突厥

樓船南邁則金陵失險驃騎北指則單于款塞職方所載並入疆理禹貢所圖咸受正朔要荒咸暨尉候無警

隋行軍元帥平陳

紀開皇八年三月戊寅詔曰昔有苗不賓唐堯薄伐孫皓僭虐晉武行誅十月甲子命晉王廣秦王俊清河公楊素並為行軍元帥以伐陳合總管九十兵五十一萬八千皆受晉王節度東接滄海西拒巴蜀旌旗舟楫橫亘數千里九年春正月辛未賀若弼拔陳京口韓擒虎

拔陳南豫州丙子入建業陳國平合州三十郡一百縣
四百夏四月乙巳三軍凱入獻俘於太廟庚戌上御廣
陽門宴將士頒賜各有差

唐西討元帥平薛仁果

紀武德元年八月己丑秦王世民

太宗

討薛仁果十一月

己酉敗仁果執之

帝聞大悅置酒秦九部樂

癸亥俘以獻

甲子帝置酒宴旋師

於玄武門戊辰宴群臣

傳金城薛舉自號西秦霸王盜隴西僭

帝于蘭州會高祖入關約突厥合從東向武德元年六

月癸未寇涇州秦王將八摠管兵拒之七月舉逼高塢
九月秦王相持六十餘日其將崔長孫等降王遣龐玉
擊宗羅睺於淺水原王以勁兵擣其背敗之遲明圍合
仁果計窮出降斬之舉父子五年滅

又見通鑑

涇水黃隴

野茫負太白騰天狼老雄死子復良巢岐飲渭肆翱翔
頓地絃提天綱列缺掉幟招搖耀鉉星辰復恢一方

鏡

歌

御太一把鉤陳驅天駟迴地軸乾行岳止雷驚麟

震薛舉無竇融之先覺有隗囂之迷謬天子躬御武節

親揔元戎灑沉災而括地象正斗極而清天步驅駕韓
白鞭擊雷電命招搖以啓行詔參伐以前掃正傾旻於
西北紐缺地於東南玉弩驚猷金宿騰芒九野鯨奮八

極鵠張

昭仁寺碑

唐陝東道行臺尚書令涼州揔管克并州

紀武德二年九月辛巳劉武周陷并州十月秦王世民
討之三年四月壬戌及武周戰于洺州敗之武周亡入
突厥克并州

久之突厥殺武周

武周起馬邑襲樓煩據汾陽

宮得定襄突厥以狼頭纛立為定楊可汗上谷賊宋金剛說令取晉陽武德二年三月辛卯入寇進圍太原裴寂敗九月辛巳齊王委并州遁武周入據之十月金剛陷滄州王行本據蒲州夏縣人呂崇茂殺縣令應武周詔諸將奔河東秦王以為不可願得兵三萬可破賊於是悉發關中兵益之十一月出龍門關屯栢壁王輕騎覘敵為賊所及以大羽箭射殪其驍將賊乃退十二月將步騎三千夜趨安邑大破之三年正月戊寅蒲州降

四月丁未金剛食盡北走王追之至雀鼠谷日中八戰
皆破之丙辰金剛走介休戊午以餘衆二萬背城陳王
令李世勣程璿金秦叔寶為北軍翟長孫秦武通為南
軍王以精騎突擊破之金剛將尉遲敬德尋相張萬歲
降復介州武周懼奔突厥其將楊伏念舉并州降河東
地盡復壬戌上聞并州平宴羣臣含章殿賜綰帛五月
辛卯凱旋獻捷太廟帝置酒高會

唐益州道行臺尚書令倂王世充

東都竇建德

河北

紀武德三年七月壬戌秦王世民討王世充四年五月

壬戌秦王世民敗竇建德于虎牢執之

三年七月討王世充敗之于北

邛四年二月竇建德率兵十萬以援

戊辰王世充降七月壬子俘世充以

獻丙辰竇建德伏誅獻俘太廟

通鑑七月甲子獻俘行飲至之禮以饗之

世充豺聲卷髮忌克深阻煬帝拜為江都通守兼知宮

監事武德二年四月矯越王侗策禪位國號鄭三年七

月壬戌高祖詔秦王率兵攻之至新安屯堡多下敗世

充於慈澗城八月王陳兵青城宮世充悉精兵來拒隔

澗與秦王語王曰四海之人皆承唐正朔獨公迷不復
東都士民來請師陛下重違我是以來世充約割地不
許九月田瓚舉山南二十五郡降王君廓徇地至管城
河南州縣以次降定始竇建德與世充有隙至是建德
遣使結好并陳赴援意十一月世充因乞師四年二月
青城宮守將以宮降辛丑王進保之世充引兵出方諸
門臨穀水以戰王陣北邛令屈突通步士五千踰水擊
之兵接以騎決戰世充排瓚兵殊死戰自辰及午方潰

俘斬八千人傳城塹而守之世充糧且盡人相食但嬰城須建德之救五月王擒建德乙丑俘示東都城下丙寅世充遂率將吏降軍門王受之屬吏丁卯入城發府庫賚將士建德初起漳南賊盜取饒陽收平原襲取幽州自號長樂王明年號夏王會秦王伐東都其中書舍人劉斌說曰唐據關中鄭王河南夏有冀方此鼎足相持勢也今唐悉兵臨鄭鄭滅則大夏有齒寒之憂為大王計莫若援鄭建德曰善乃與世充連和世充亦自

乞師建德令其臣來朝請解鄭圍秦王留之不答建德
并徐圓朗衆號三十萬救世充壁成臯東原築營板渚
三月癸未王進據虎牢翌日以騎士五百覘建德營設
伏道側獨以數騎去賊營三里賊出騎追之王漸却誘
至伏所卒起奮擊獲其二將乃報建德以書建德失二
將又聞唐兵精得書猶豫六十日不敢西五月己未建
德自板渚出陣西薄汜南屬鵲山亘二十里鼓而前秦
王登虎牢城望其軍按甲不戰曰賊起山東未嘗見大

敵今度險士囂令不肅也逼城而陣有輕我心待其饑
破之果矣日中建德士皆坐列爭飲水意益怠王麾軍
先登大軍繼之騎怒塵漲天乃率史大柰程知節秦叔
寶等卷旆出賊陣後建德軍顧而驚遂大潰建德被重
創竄牛口谷車騎將軍白士遜楊武威獲之俘五萬人
壬申齊善行以洛相魏等州降 戊寅王世辯以徐宋
等三十八州詣任瓌降世充故地悉平淮陽王神通徇
下三十餘州建德地悉平六月凱旋七月甲子秦王被

黃金甲齊王元吉李世勣二十五將從後陳鐵騎一萬

介士三萬前後鼓吹獻俘太廟

東都平冊勲於廟者九人竇抗與軌與焉

帝

大悅行飲至禮以饗焉

四年五月丁丑以平世充宴羣臣乙丑赦山東六月庚寅赦河

南

太宗冊文曰妖傾地軸盜弄乾樞天兵雷掃月陣風

驅蚩尤遮翦窳窳咸誅 朱旗西指則仁杲喪元白羽

東臨則世充泥首摧武周如拉朽收建德若拾遺

翦商除害夷項嬰菑戮冀野以復皇猷誅壽華而清

帝道 射九烏以垂日月鍊五石以造乾坤 操參

伐而清天步橫崑海而紐地維

唐荆湘道總管平蕭銑

紀武德四年秋夔州總管趙郡王孝恭率十二總管兵

討蕭銑十月乙巳執之

敗銑于
荊州

初義寧元年董景珍

奉羅川令蕭銑為主稱梁王二年僭帝破峽州圖取蜀

勝兵四十萬武德元年都江陵三年信州總管孝恭進

策圖銑帝以信州為夔州大治舟艦討之

通 在四年
二月辛卯

十一月景珍以長沙降十二月癸卯峽州刺史許紹拔

荊門四年正月丙戌田世康克五州四鎮李靖陳十策

二月辛卯以靖為行軍總管兼孝恭長史收用巴蜀首

領子弟六月黃州總管周法明拔安州七月辛巳郭行

方拔郢州九月發巴蜀兵以孝恭為荊湘道行軍總管

靖攝行軍長史統十二總管自夔州順流東下十月靖

云九舟師叩夷陵孝恭傳云進大總管統水陸十二軍發夷陵破二鎮荊門宜都也癸

巳擊走銃將文士弘獲戰艦三百餘蓋彥舉以五州降

靖破賊溺死者萬人即率輕兵五千為先鋒趨江陵薄

城而營俘甲士四千孝恭軍繼進布長圍守之數日破其水城取樓船數千靖縱戰艦放江中瀕江鎮戍見舳艫蔽江謂銑已下疑不進交州總管丘和等降銑內外阻絕乙巳開門出降送京師江漢列城爭下詔圖破銑狀以進

唐襄州道行臺左僕射行軍元帥平輔公柘

紀武德六年八月壬子淮南道行臺左僕射輔公柘反乙丑趙郡王孝恭討之七年三月戊戌孝恭敗公柘執

之 公祐臨濟人隋季為盜杜伏威以為長史武德三
年夏伏威歸國封吳王授公祐舒國公五年七月伏威
請入朝六年留公祐居守令王雄誕握兵副之後左游
仙說公祐反奪雄誕兵八月僭位稱宋即陳故宫都之
遣將侵海州寇壽陽乙丑詔孝恭為元帥引兵趨九江
李靖為副下宣世勣出淮黃君漢出燕張鎮周盧祖尚
皆稟節度靖傳云世勣等七十一月鎮周破其將於黃
沙七年正月壬午孝恭破其將於樅陽二月拔鵲頭鎮

三月丙戌取蕪湖下梁山三鎮辛卯任瓌拔揚子城戊戌孝恭克丹陽先是賊將馮惠亮以舟師屯當塗陳正通以步騎屯青林自梁山連鎖斷江道築却月城袤十餘里為犄角孝恭堅壁不出遣奇兵絕饗道賊饑夜薄營孝恭靖帥舟師次舒州世勣步卒度淮拔壽陽次硤石靖曰出不意攻城必破之明日使羸兵叩壘挑之祖尚選精騎陣以待兵却賊追北且囂遇祖尚軍薄戰遂大敗靖率黃君漢等水陸皆進惠亮退保梁山孝恭乘

勝破其別鎮賊赴水死者數千靖將輕兵至丹陽公祐
出走騎窮追生禽之江南平孝恭斬之傳首京師

唐定襄道行軍大總管俘突厥頡利順天樓受
俘

通鑑貞觀三年十一月庚申以李世勣等為行軍總管
受李靖節度分道擊突厥乙丑任城王道宗擊於靈州
破之四年正月靖率驍騎三千自馬邑屯惡陽嶺夜襲
定襄破之頡利大驚曰唐不傾國來靖敢提孤軍至此

於是帳部數恐徙牙於磧石帝曰靖以騎三千喋血虜庭古未有輩足澡吾渭水之耻矣靖復縱謀者離其腹心頡利所親康蘇密以隋蕭后及煬帝孫政道來降世勣出雲中與突厥戰於白道大破之二月甲辰靖破突厥頡利可汗於陰山先是頡利既敗竄於鐵山餘衆尚數萬遣執失思力入見謝罪請舉國內附自入朝上遣鴻臚卿唐儉等慰撫之又詔李靖將兵迎頡利頡利外為卑辭內實猶豫欲俟草青馬肥亡入漠北靖引兵與

李世勣會白道相與謀曰頡利雖敗其衆猶盛若走渡磧北保依九姓道阻且遠追之難及今詔使至彼虜必見寬若選精騎一萬齎二十日糧往襲之不戰可禽矣以其謀告張公謹公謹曰詔書已許其降使者在彼柰何擊之靖曰此韓信所以破齊也唐儉輩何足惜遂勒兵夜發世勣繼之軍至陰山遇突厥千餘帳俘以隨軍頡利見使者大喜意自安靖使武邑蘇定方率二百騎為前鋒乘霧而行去牙帳七里虜乃覺之頡利乘千里

馬先走靖軍至虜衆遂潰唐儉脫身得歸斬首萬餘級
男女十餘萬獲雜畜數十萬殺隋義成公主擒其子疊
羅施頡利帥萬餘人欲渡磧李世勣軍於磧口頡利至
不得度其大酋長皆率衆降世勣虜五萬餘口而還斥
地自陰山北至大漠露布以聞三月丙子以突利可汗
為右衛大將軍北平郡王初始畢可汗以啓民母弟蘇
尼失為沙鉢羅設督部落五萬家牙直靈州西北及頡
利政亂蘇尼失所部獨不攜貳突利之來奔也頡利立

之為小可汗及頡利敗走往依之將奔吐谷渾大同道
行軍總管任城王道宗引兵逼之使蘇尼失執送頡利
頡利以數騎夜走匿于荒谷蘇尼失馳追獲之庚辰行
軍副總管張寶相率衆奄至沙鉢羅營俘頡利送京師
蘇尼失舉衆來降漠南之地遂空突厥頡利可汗至長
安夏四月戊戌上御順天樓盛陳文物引見頡利數之
曰汝藉父兄之業縱淫虐以取亡罪一也數與我盟而
背之二也恃強好戰暴骨如莽三也蹂我稼穡掠我子

女四也我宥汝罪存汝社稷遷延不來五也然自便橋
以來不復大入為寇以是得不死耳頡利哭謝而退詔
館於太僕厚廩食之上皇聞禽頡利嘆曰高祖困白登
不能報今我子能滅突厥吾付託得人何復憂哉上皇
召上與貴人十餘人及諸王妃主置酒凌煙閣酒酣上
皇自彈琵琶起舞公卿迭起為壽傳阿史那氏古
匈奴北部也隋末始畢始強控弦百萬高祖起太原與
連和始畢以兵會恃功橫驕其弟處羅立卒弟頡利立

以始畢子為突利歲入寇九年七月自將十萬襲武功
太宗馳六騎幸渭上與隔水語頡利請和與盟便橋貞
觀元年頡利因突利明年擁兵窺邊又明年

三年十一月庚申

詔并州都督李世勣出通漠道李靖出定襄道左武衛
大將軍柴紹出金河道靈州大都督任城王道宗出大
同道幽州都督衛孝節出常安道營州都督薛萬徹出
暢武道凡六總管師十餘萬皆受靖節度以討之突利
及郁射設陰奈特勒帥所部來奔捷書日夜至謂羣臣

曰往國家初定太上皇以百姓故奉突厥詭而臣之朕
嘗痛心疾首思一刷耻於天下今天誘諸將所向皆克
朕其庶有成功乎四年正月進屯惡陽嶺夜襲頡利頡
利走保鐵山兵猶數萬令執失思力來陽為哀言請罪
帝令唐儉等撫慰靖因襲擊之盡獲其衆復定襄恒安
地斥境至大漠矣頡利至京師告俘太廟帝御順天樓
陳仗衛士民縱觀 紀貞觀三年八月丁亥李靖為定
襄道行軍大總管伐突厥四年二月甲辰靖及突厥戰

于陰山敗之三月甲午靖俘突厥頡利可汗以獻四月

戊戌西北君長請上號為天可汗 江夏王道宗傳貞

觀三年為大同道行軍總管助李靖破虜親執頡利可

汗

贊霆掃風除其國遂墟

張公謹傳副李靖經畧突厥條可取

狀於帝曰頡利誅善良主昏於上一也同羅僕骨回紇

延陀之屬皆自立君長衆叛於下二也突利被疑以輕

騎免拓設衆敗欲谷喪師兵挫將敗三也北方霜旱廩

糧乏絕四也胡性翻覆必生內變五也華人在北者衆

王師之出當有應者六也云云

唐西海道行軍大總管李靖破吐谷渾

紀貞觀八年十一月己丑吐谷渾寇涼州執行人鴻臚丞趙德楷十二月辛丑特進李靖為西海道行軍大總管侯君集為積石道行軍總管任城郡王道宗為鄯善道行軍總管膠東郡公道彥為赤水道行軍總管涼州都督李大亮為且末道行軍總管利州刺史高甌生為鹽澤道行軍總管以伐吐谷渾九年五月壬子李靖及

吐谷渾戰敗之 通鑑貞觀八年吐谷渾可汗伏允遣使入貢未返大掠鄯州而去上遣使責之召伏允入朝稱疾不至仍為其子求昏上許之令其親迎又不至乃絕昏伏允復遣兵寇蘭廓二州伏允年老信其臣天柱王之謀數犯邊又執唐使者趙德楷上遣使諭之十返又引其使者臨軒親諭以禍福伏允終無悛心六月遣左騎衛大將軍段志玄為西海道行軍總管左驍衛將軍樊興為赤水道行軍總管將邊兵及契苾党項之衆

以擊之冬十月辛丑段志玄擊吐谷渾破之追奔八百餘里去青海三十餘里吐谷渾驅牧馬而遁十二月丁亥吐谷渾寇涼州己丑下詔大舉討吐谷渾上欲得李靖為將為其老重勞之靖聞之請行上大悅十二月辛丑以靖為西海道行軍大總管節度諸軍兵部尚書侯君集為積石道刑部尚書任城王道宗為鄯善道涼州都督李大亮為且末道岷州都督李道彥為赤水道利州刺史高甌生為鹽澤道行軍總管并突厥契苾之衆

擊吐谷渾九年夏閏四月癸酉任城王道宗敗吐谷渾於庫山吐谷渾可汗伏允悉燒野草輕兵走入磧諸將以為馬無草疲瘦未可深入侯君集曰不然向者段志玄軍還纔入鄯州虜已至其城下蓋虜猶全實衆為之用故也今一敗之後鼠逃鳥散斥侯亦絕君臣攜離父子相失取之易於拾芥此而不乘後必悔之李靖從之中分其軍為兩道靖與薛萬均李大亮由北道君集與任城王道宗由南道戊子靖部將薛孤兒敗吐谷渾於

曼頭山斬其名王大獲雜畜以充軍食癸巳靖等敗吐
谷渾於牛心堆又敗諸赤水原侯君集任城王道宗引
兵行無人之境二千餘里盛夏降霜破邏真谷其地無
水人嚙冰馬噉雪五月追及伏允於烏海與戰大敗之
獲其名王薛萬均薛萬徹又敗天柱王於赤海李大亮
敗吐谷渾於蜀渾山獲其名王二十人將軍執失思力
又敗之於居茹川李靖督諸軍經積石山河源至且末
窮其西境聞伏允在突倫川將奔于闐契苾何力欲追

襲之自選驍騎千餘直趨突倫川磧石乏水將士刺馬
血飲之襲破伏允牙帳斬首數千級獲雜畜二十餘萬
伏允脫身走俘其妻子侯君集等進逾星宿川至柘海
還與李靖軍合大寧王順隋氏之甥伏允之嫡子也為
侍子於隋久不得歸伏允立它子為太子及歸意常怏
怏會李靖破其國國人窮蹙怨天柱王順因衆心斬天
柱王舉國請降伏允帥千餘騎逃磧中十餘日衆散稍
盡為左右所殺國人立順為可汗壬子李靖奏平吐谷

渾乙卯詔復其國以慕容順為西平郡王號趙胡呂烏
甘豆可汗上慮順未能服其衆仍命李大亮將精兵數
千為其聲援李靖傳初吐谷渾寇邊帝謂侍臣曰李
靖能復起為帥乎靖往見房玄齡曰吾雖老尚堪一行
帝喜以為西海道行軍大總管任城王道宗侯君集李
大亮李道彥高甑生五總管兵皆屬軍次伏俟城吐谷
渾盡火其莽退保大非川諸將議春草未萌馬弱不可
戰靖決策深入遂踰磧石大戰數十多所殺獲殘其國

國人多降吐谷渾伏允愁促自經死靖更立大寧王慕
容順而還 江夏王道宗傳吐谷渾寇邊李靖出崑丘
道詔與侯君集為靖副賊聞兵且至走嶂山數千里諸
將止獨道宗請窮追靖曰善道宗以單師進去大軍十日及
之吐谷渾據險殊死鬪道宗陰引千騎超山乘其後賊
驚遂大潰 侯君集傳李靖討吐谷渾以君集為磧石
道行軍總管師次鄯州議所向君集曰王師已至而賊
不走險天贊我也若以精兵掩其不備彼不我虞必有

大利若遁阻山谷克之實難靖然其計簡銳士約齋深入追及其衆於庫山戰破之進會大非川平其國薛萬均傳為沃沮道行軍副總管李靖討吐谷渾軍次青海萬均萬徹各以百騎行前卒與虜遇萬均單騎馳突無敢當者還謂諸將曰賊易與復馳進擊斬數千級勇蓋三軍追奔至積石山斬其將衆遂潰追至圖倫磧乃還與靖會青海吐谷渾傳吐谷渾居甘松山之陽洮水之西隋時其王慕容伏允號步薩鉢常寇邊太宗貞

觀八年遣使入貢未還即寇鄯州連歲遣名王入朝俄
寇涼州拘行人趙德楷九年詔靖擊之云云伏允走君
集道宗行空荒二千里達栢海上望積石山覽觀河源
伏允子斬天柱王舉國降

唐鹽澤道行軍總管敗叛羌

紀貞觀九年正月党項羌叛三月庚辰洮州羌殺刺史
孔長秀附吐谷渾乙酉總管高甑生敗之七月庚子副
總管劉德敏及羌人戰敗之

唐闊水道行軍總管敗吐蕃

紀貞觀十二年八月壬寅吐蕃寇松州侯君集為當彌道行軍大總管率三總管兵伐之九月辛亥闊水道總管牛進達及吐蕃戰于松州敗之

吐蕃本西羌屬蓋百五十種散居河湟洮

岷間

通鑑貞觀八年始遣使來朝上遣使撫慰吐蕃奉

表求昏上未許十二年弄讚發兵擊吐谷渾破党項白

蘭諸羌尋攻松州州叛歸之八月壬寅侯君集為大總

管甲辰牛進達濶水道劉蘭

一作簡

洮河道執失思力白

蘭道行軍總管將步騎五萬擊之吐蕃攻城十餘日進
達為先鋒九月辛亥掩其不備夜鏖其營敗之於松州
城下斬千餘級引退

唐交河道大總管破高昌 俘獻 紀功 觀

德殿飲至

紀貞觀十三年十二月壬申侯君集為交河道大總管
以伐高昌十四年八月癸酉侯君集克高昌十二月丁
酉侯君集俘高昌王以獻 侯君集傳高昌不臣拜交

河道行軍大總管出討其王麴文泰笑曰唐去我七千里磧鹵二千里無水草冬風裂肌夏風如焚行賈至者百之一安能致大兵乎吾且擊而虜之君集次磧口而文泰死子智盛襲位進營柳谷候騎言國方葬君諸將請襲之君集曰不可天子以高昌驕慢使吾恭行天罰今襲人於墟墓間非問罪也於是鼓而前賊嬰城自守遣諭之不下乃刊木塞塹引撞車毀其堞飛石如雨所向無敢當因拔其城進圍都城初文泰與西突厥欲谷

設約有急相援及是欲谷設益懼智盛失援乃降高昌
平君集刻石紀功還 高昌傳高昌王都交河城漢車
師前王廷也其田地城戍已校尉所治也太宗即位其
王麴文泰獻玄狐裘貞觀四年文泰來朝禮賜甚厚求
預宗盟有詔賜氏李久之文泰與西突厥通凡西域朝
貢道其國咸見壅掠伊吾嘗臣西突厥至是內屬文泰
與葉護兵擊之帝下詔責其反覆召大臣冠軍阿史那
矩計事文泰不遣使長吏麴雍來謝罪初大業末華人

多奔突厥及頡利敗有逃入高昌者有詔護送文泰苛留之又與西突厥乙毗設破焉耆三城焉耆王訴諸朝帝遣虞部郎中李道裕問狀復遣使謝帝引責曰而主數年朝貢不入無藩臣禮擅置官擬効百寮今歲首萬君長悉為來而主不至我使人往文泰猥曰鷹飛于天雉竄于蒿鼠安于穴猫遊于堂豈不甚快耶西域使者入朝而主悉拘梗之明年我當發兵虜而國時薛延陀可汗請為軍向道故民部尚書唐儉至延陀堅約帝復

下璽書示文泰禍福促使入朝文泰遂稱疾不至乃拜
侯君集為交河道大總管武衛將軍牛進達為行軍總
管率突厥契苾騎數萬討之十四年王師至磧石文泰
驚悸無它計發病死子智盛立君集奄攻田地城契苾
何力以前軍鏖戰是夜星墜城中明日拔其城虜七千
餘人中郎將辛獠兒以勁騎夜逼其都智盛以書遺君
集請赦罪君集令其面縛軍門智盛不答軍進填隍引
衝車毀其堞飛石如雨城中大震八月癸酉智盛等詣

軍門請改事天子君集使諭降辭未屈薛萬均勃然曰
當先取城小兒何足與語麾而進智盛伏汗流地曰惟
公命乃降君集分兵掠定凡三州五縣二十二城戶八
千口三萬馬四千先是國人謠曰高昌兵如霜雪唐家
兵如日月日月照霜雪幾何不殄滅捷書聞天子大喜
宴羣臣班賜策功披其地皆州縣之號西昌州旋又改
為西州更置安西都護府歲調千兵謫罪人以戍初文
泰以金厚餉西突厥欲谷設約有急為表裏使葉護屯

可汗浮圖城及君集至懼不敢發遂來降以其地為廷

州君集勒石紀功凱而旋十二月丁酉

本傳無月日

俘智盛

君臣獻觀德殿行飲至禮

左傳曰反行飲至舍爵策勲晉自城濮還飲至大賞

大酺三日上得高昌樂工增九部樂為十部姜確傳

字行本高昌之役為行軍副總管出伊州距柳谷百里

依山造攻械增損舊法械益精其處有漢班超紀功碑

行本磨碑去古刻更刊頌陳國威靈與君集平高昌有

功璽書慰勞

唐朔州道行軍總管李世勣平薛延陀 鐵勒十

一部內屬告功太廟

紀貞觀十五年十一月癸酉薛延陀寇邊兵部尚書李
世勣為朔州道行軍總管右衛大將軍李大亮為靈州
道行軍總管涼州都督李襲譽為涼州道行軍總管
以伐之十二月甲辰李世勣及薛延陀戰于諾真水敗
之十九年十二月己未薛延陀寇夏州左領軍執失思
力敗之二十年正月辛未夏州都督喬師望及薛延陀

戰敗之六月乙亥江夏郡王道宗李世勣伐薛延陀七月辛亥李世勣及薛延陀戰敗之通鑑貞觀十五年

薛延陀真珠可汗聞上將東封謂其下曰天子封泰山士馬皆從邊境必虛我以此時取思摩如拉朽耳乃命其子大度設發同羅僕骨回紇靺鞨靺等兵合二十萬度漠南屯白道川據善陽嶺以擊突厥俟利苾可汗不能禦帥部落入長城保朔州遣使告急十一月癸酉上命營州都督張儉帥所部騎兵及奚靺鞨丹壓其東境

以尚書李世勣為朔州道行軍總管將兵六萬騎十二

百

傳云三千

屯朔方右衛大將軍李大亮為靈州道行軍總

管將兵四萬騎五千屯靈武右屯衛將軍張士貴將兵

一萬七千為慶州道行軍總管出雲中涼州都督李襲

譽為涼州道行軍總管出其西諸將辭行上戒之曰薛

延陀負其強盛踰漠而南行數千里馬已疲瘦凡用兵

之道見利速進不利速退薛延陀不能掩思摩不備急

擊之思摩入長城又不速退吾已敕思摩燒薊秋草彼

糧糗日盡野無所獲頃候者來云其馬齧林木枝皮畧盡卿等當與思摩共為犄角不須速戰候其將退一時奮擊破之必矣十二月己亥薛延陀遣使人見請與突厥和親甲辰李世勣敗薛延陀於諾真水初薛延陀擊西突厥沙鉢羅及阿史那社尒皆以步戰取勝及將入寇乃大教步戰使五人為伍一人執馬四人前戰戰勝則授以馬追奔於是大度設將三萬騎逼長城欲擊突厥而思摩已走知不可得遣人登城罵之會世勣引唐

兵至塵埃漲天大度設懼將其衆自赤柯灤北走世勣
選麾下及突厥精騎六千自直道邀之踰白道川追及
於青山大度設走累日至諾真水勒兵還戰陳亘十里
突厥先與之戰不勝還走大度設乘勝追之遇唐兵薛
延陀萬矢俱發唐馬多死世勣命士卒皆下馬執長稍
直前衝之薛延陀衆潰副總管薛萬徹以數千騎收其
執馬者薛延陀失馬不知所向為唐兵縱擊斬首三千
餘級捕虜五萬餘人大度設脫身走萬徹追之不及其

衆至漠北直大雪人畜凍死者什八九

延陀能以術禱神致雪及是反

自敵李世勣還軍定襄突厥思結部落居五臺者叛走州

兵追之會世勣軍還夾擊悉誅之丙子薛延陀使者辭
還上謂之曰吾約汝與突厥以大漠為界有相侵者我
則討之汝自恃其強踰漠攻突厥李世勣所將纔數千
騎耳汝已狼狽如此歸語可汗凡舉措利害可善擇其
宜李世勣傳薛延陀子大度設以八萬騎侵李思摩
詔世勣為朔方道行軍總管將輕騎六千擊度設青山

斬名王一俘口五萬其後

年二十

延陀部落叛詔將二百

騎發突厥兵討之大戰烏德鞬山破之可汗咄摩支遁

入荒谷磧北遂定

薛萬徹傳萬徹率數百騎為先鋒

繞擊賊後虜遂潰斬三千級獲馬萬五千薛延陀傳

延陀姓一利咥氏先與薛種雜居後滅延陀部有之號

薛延陀在鐵勒部最雄張太宗方圖頡利貞觀三年遣

使齎詔書鼓纛冊拜其王夷男為真珠毗伽可汗夷男

遣使謝歸方物乃建牙鬱督軍山地大衆附於是回紇

諸部皆伏屬其弟統特勒入朝帝以精刀寶鞭賜之曰
下有大過者以吾鞭鞭之夷男以為寵頡利可汗之滅
塞隧空荒夷男率其部稍東保都尉韃山獨邏水之陰
蓋古匈奴地也勝兵二十萬以二子大度設突利失分
將之號南北部貞觀七年帝恐後強大為患欲產其禍
乃下詔拜其二子皆為小可汗十二年九月癸亥十五年帝以
李思摩為可汗始度河牙於漠南夷男惡之未發聞帝
幸洛陽將封太山夷男與其下謀曰云云同斬首數千

級獲馬萬五千大度設亡去會雪甚衆踣死者十八始

延陀能以術禮神致雪冀困勅師及是反自敝云十六

年九月遣使謝罪請昏許之納貢後時乃下詔絕昏十七年閏

月十九年九月夷男死嫡子拔灼自立為多彌可汗方

是時王師猶在遼即寇邊帝遣江夏王道宗屯朔州薛

萬徹阿史那社尒屯勝州薩孤吳仁屯靈州執失思力

與突厥犄角塞下虜知有備乃去紀云十二月己未寇夏州執失思力敗之

拔灼多殺父時貴人國人不安而阿波設與唐使者遇

於靺鞨東鄙小戰不利還師國人曰唐兵至矣衆大擾

諸部遂潰二十年

月六

多彌可汗以十餘騎遁去依阿史

那時健俄為回紇所殺衆五六萬奔西域立真珠毗伽

可汗昆弟子咄摩支號伊特勿失可汗遣使上言願保

鬱督軍山帝詔兵部尚書崔端禮與李勣慰安之俾定

其國帝恐卒為患詔勣等曰降則撫之叛則擊之勣至

咄摩支駭陰欲拒戰好言乞降勣縱兵擊斬五千餘級

遂滅其國咄摩支聞天子使者蕭嗣業在回紇身詣嗣

業乞降入朝

七月

拜右武衛將軍帝以延陀滅欲并契苾

等降之復遣道宗率阿史那社公等分部窮討帝幸靈

州

八月己巳幸庚辰次涇州

節度諸將於是鐵勒十一部皆請歸命

天子請更內屬

九月甲辰請上號為可汗

道宗等經磧擊延陀餘衆

阿波達干斬首千餘級逐北二百里萬徹抵北道諭降

回紇諸酋虜所遣使踵及帝行在凡數千人帝剖其地

為州縣北荒遂平告功太廟

八月壬申

賜酺三日二十二年

餘部叛以右領軍大將軍執失思力伐於金山討平之

八月辛未 九月敗
之 靈州勒石見後

唐西州道行軍大總管郭孝恪平焉耆

紀貞觀十八年八月壬子安西都護郭孝恪為西州道
行軍總管以伐焉耆九月辛卯郭孝恪及焉耆戰敗之
通鑑貞觀十八年焉耆貳於西突厥大臣屈利啜為
其弟娶焉耆王女由是不朝貞安西都護郭孝恪請討
之詔以孝恪為西州道行軍總管帥步騎三千出銀山
道以擊之會焉耆王弟頡鼻兄弟三人至西州孝恪以

頡鼻弟栗婆準為鄉導焉耆城四面皆恃險而不設備
孝恪倍道兼行夜至城下浮水而渡比曉登城執其主
突騎支獲首虜七千級留栗婆準權國事而還孝恪去
三日屈利啜引兵救焉耆不及執栗婆準以勁騎五千
追孝恪至銀山孝恪還擊破之追奔數十里五月辛卯
上謂侍臣曰孝恪近奏稱八月十一日往擊焉耆二十
日應至必以二十日破之朕計其道里使者今日至矣
言未畢驛騎至突厥屈利啜使其吐屯攝焉耆王遣使

上貢上數之曰我發兵擊得焉耆汝何人而據之吐屯
懼反其國焉耆立栗婆準從父兄薛婆阿支為王冬十
月郭孝恪鏢焉耆王突騎支及其妻子詣行在敕宥之
丁巳上謂太子曰焉耆王不求賢輔不用忠謀自取滅
亡係頸束手漂搖萬里以此思懼可知矣焉耆傳焉
耆國直京師七千里太宗貞觀七年其王突騎支遣使
來朝會西突厥臣屈利啜為弟娶突騎支女遂相約為
輔車勢不朝貢安西都護郭孝恪請討之云云俄而邊

遽以捷布聞囚突騎支及妻子送洛陽有詔赦罪屈利
啜以兵救焉耆屈利啜囚栗婆準更使吐屯攝王遣使
以告帝曰焉耆我所下爾乃王之耶吐屯懼不敢王立
突騎支弟婆伽利為王以其地為焉耆都督府 郭孝
恪傳初王師滅高昌詔以所虜焉耆生口還焉耆王王
叛歸欲谷沒可汗孝恪請擊之即拜西州道行軍總管
率步騎三千出銀山道夜襲虜其王龍突騎支帝悅降
璽書褒勞

唐右武侯將軍破松林蠻

通鑑貞觀二十二年四月丁巳右武侯將軍梁建方擊

松外蠻

紀云松州蠻

破之

初嵩州都督劉伯英上言松外諸

蠻麋降復叛請討之以通西洱天竺之道敕建方發巴

蜀十二州兵討之蠻酋雙含帥衆拒戰建方敗之殺獲

千餘人

南蠻傳云殺獲十餘萬

羣蠻懾竄建方遣使諭以利害皆

來歸附前後至者七十部戶十萬九千三百因遣使詣

西洱河其酋楊盛大駭使者諭以威信遂請降建方振

旅還

傳云西洱河首領楊同松外首領蒙羽入朝

唐右衛率府長史破天竺吐蕃獻俘

通鑑貞觀二十二年五月庚子王玄策擊中天竺王阿

羅那順大破之

吐蕃傳王玄策使西域為中天竺所

鈔弄贊發精兵從玄策破之來獻俘西域傳天竺漢

身毒國也居葱嶺南分五天竺幅員三萬里隋煬帝時

遣裴矩通西域獨天竺不至武德中浮屠玄奘至其國

王尸羅逸多名見曰而國有聖人出作秦王破陣樂試

謂我言其為人玄奘粗言太宗神武平禍亂四夷賓服
狀王喜貞觀十五年自稱摩伽陀王遣使上書帝命梁懷
璠持節慰撫復遣使入朝詔李義表報之復獻火珠鬱
金菩提樹二十二年四月遣右衛率府長史王玄策使
其國蔣師仁為副未至尸羅逸多死國人亂其臣那伏
帝阿羅那順自立發兵拒玄策從騎纔數十不能勝皆
沒遂剽諸國貢物玄策挺身奔吐蕃西鄙檄名鄰國兵
吐蕃以兵千人來泥娑羅以七千騎來玄策部分進戰

破和羅城斬首三千溺死萬人阿羅那順委國走合散
兵復陳師仁禽之俘斬千計餘衆奉王妻息阻乾陀衛
江師仁擊之大潰獲其妃王子虜男女萬二千人城邑
降者五百八十所玄策執阿羅那順獻闕下有司告宗

廟

東天竺王尸鳩摩送
牛馬三萬餽軍

唐崑丘道行軍大總管阿史那社尒俘龜茲勒

石紀功紫微殿受俘

破處月處密二部

紀貞觀二十一年十二月戊寅左驍騎大將軍契苾何

力為崑丘道行軍大總管率三總管兵以伐龜茲二十
二年十月己巳阿史那社尒及龜茲戰敗之閏十二月
執其王二十三年正月辛亥阿史那社尒俘龜茲王以
獻阿史那社尒傳貞觀二十一年以崑丘道行軍大
總管與契苾何力郭孝恪楊弘禮李海岸等五將軍發
鐵勒十三部及突厥騎十萬討龜茲師次突厥擊處密
真敗之入自焉耆西兵出不意龜茲震恐進屯磧石去
王城三百里社尒先遣伊州刺史韓威以千騎先進將

軍曹繼叔次之至多褐城與王遇其將羯獵顛兵五萬
拒戰威佯却王見威兵少麾而進威退與繼叔合還戰
大破之追奔八十里社介因拔都城王輕騎遁社介率
精騎追躡行六百里王據大撥換城嬰險自固社介攻
凡四十日擒其王并下五大城降者七十餘城宣諭威
信莫不歡服刻石紀功而還 龜茲傳高祖受禪王蘇
伐勃駛遣使入朝會死子蘇伐疊立貞觀四年獻馬太
宗賜璽書撫慰後臣西突厥郭孝恪伐焉耆乃遣兵與

影援自是不朝貢蘇伐疊死弟訶黎布失畢立二十一年兩遣使朝貢然帝怒其佐焉者叛議討之是夜月食昂詔曰月刑兆也星胡分數且終乃以阿史那社尒為崑丘道行軍大總管契苾何力副之率安西都護郭孝恪司農卿楊弘禮左武衛將軍李海岸等發鐵勒十三部兵十萬討之社尒分五軍掠其北執焉耆王阿那支龜茲大恐酋長皆棄城走社尒次磧石敗其兵進將圍之王引突騎西走城遂拔孝恪居守沙州刺史蘇海政

行軍長史薛萬備以精騎窮躡六百里王計窮保撥換

城社介圍之閱月執王及其將羯獵顛

二十二年閏月丁丑

而其

相那利夜逸以西突厥并國人萬餘來戰那孝恪死之

倉部郎中崔義起募兵戰城中繼叔威助之斬首三千

級那利敗哀亡散復振還襲王師右驍衛將軍曹繼叔

乘之斬八千級那利走或執以詣軍社介凡破五大城

諭降小城七百餘男女數萬西域震懼立王弟葉護王

其國勒石紀功而還書聞帝喜宴紫微殿見羣臣從容

曰朕嘗言之高官厚秩士大夫樂也戰無前敵將帥樂也四海寧一帝王樂也朕今樂矣遂徧觴羣臣社介執

訶黎布失畢及那利羯獵顛獻太廟

二十三年正月辛亥

帝受俘

紫微殿

壬子

責其罪謂羣臣皆頓首伏以布失畢為左武

衛中郎將始徙安西都護於其都統于闐碎葉疏勒號

四鎮


張昌齡傳為崑丘道記室平龜茲露布為世所

稱楊弘禮傳為副總管破處密殺焉耆王降馭支部

獲龜茲于闐王凱旋通鑑二十二年三月甲午上謂

侍臣曰今崑丘行師處月處密二部每懷首鼠必先授
首九月庚辰社介擊處月處密二部破之餘衆降薛
萬備至于闐勒伏闐信入見天子乃隨使者來會

漢長羅侯常惠攻龜茲斬姑翼



玉海卷一百九十

欽定四庫全書

子部

玉海卷二百九十一

詳校官中書臣張經田

主事臣祁韻士覆勘

總校官進士臣朱鈴

校對官主事臣陳文樞

謄錄監生臣曹錫璜

欽定四庫全書

王海卷一百九十一

宋 王應麟 撰

兵捷

兵捷 露布

唐左翊衛郎將得車鼻可汗

高宗紀貞觀二十三年十一月乙丑左翊衛郎將

傳及通鑑

云右驍衛郎將

高侃伐突厥永徽元年六月侃及突厥戰金山

敗之九月癸卯俘車鼻可汗以獻 傳車鼻突利部人
名斛勃世為小可汗薛延陀將殺之乃竄金山之北三
垂斗絕惟一面容車騎勝兵三萬自稱乙注車鼻可汗
距長安萬里延陀衰執益張貞觀二十一年十一月遣
子獻方物且請入朝帝遣將軍安調遮郎將韓華迎之
車鼻無入朝意華鬪死調遮被殺帝怒二十三年遣倂
發回紇僕骨兵擊之大酋長歌邏祿等降永徽元年倂
師至阿息山部落不肯戰車鼻從數百騎走倂師精騎

追至金山獲之獻京師高宗責曰罪當死然先帝獲酋
長必宥之乃釋縛數俘社廟見昭陵處其衆鬱督軍山
建狼山都督府統之其子羯漫陀降建新黎州使領其
衆葛邏祿三族皆內屬突厥盡為封疆臣矣

唐左領軍將軍行軍總管破白水蠻

紀永徽二年八月己卯白水蠻寇邊左領軍將軍趙孝
祖為郎州道行軍總管以伐之十一月戰于羅仵候山
敗之三年四月庚寅又敗之 按南蠻傳有顯養東魯

諸蠻永徽三年與胡叢皆叛以曹繼叔為舊州道行軍總管戰斜山拔十餘城斬首七百獲馬犂牛萬五千

唐伊麗道行軍大總管俘賀魯臨軒受俘

紀永徽二年正月乙卯瑤池都督阿史那賀魯叛六年五月癸未程知節為葱山道行軍大總管以伐賀魯顯慶元年八月辛丑程知節及賀魯戰敗之九月癸未又敗之二年閏正月庚戌以右屯衛將軍蘇定方為伊麗道行軍總管以伐賀魯十二月丁巳蘇定方敗賀魯于

金牙山執之三年十一月甲午蘇定方俘賀魯以獻

通鑑高宗顯慶二年蘇定方擊西突厥沙鉢羅可汗至金山北擊處木昆部大破之其俟斤嬾獨祿等帥萬餘帳來降定方撫之發其千騎與俱右領軍郎將薛仁貴上言泥孰部素不伏賀魯為賀魯所破虜其妻子今唐兵有破賀魯諸部得泥孰妻子者宜歸之仍加賜賚使彼明知賀魯為賊而大唐為之父母則人致其死不遺力矣泥孰喜請從軍共擊賀魯定方至曳咥河西沙鉢

羅帥十姓兵十萬來拒戰定方唐兵及回紇萬餘人擊之沙鉢羅輕定方兵少直進圍之定方令步兵據南原攢稍外向自將騎兵陳於北原沙鉢羅大敗追奔三十里斬獲數萬人明日勒兵復進於是胡祿屋等五弩失畢悉衆來降沙鉢羅獨與處木昆屈律啜數百騎西走時阿史那步真出南道五咄陸部落聞沙鉢羅敗皆詣步真降定方乃命蕭嗣業回紇娑閏將胡兵趨邪羅斯川追沙鉢羅定方與任雅相將新附之衆繼之會大雪

平地二尺軍中咸請俟晴而行定方曰虜恃雪深謂我不能進必休息士馬亟追之可及若緩之彼遁逃浸遠不可復追省日兼功在此時矣乃蹋雪晝夜兼行所過收其部衆至雙河與阿史那彌射步真兵合去沙鉢羅所居二百里布陣長驅徑至其牙帳沙鉢羅與其徒將獵定方掩其不備縱兵擊之斬獲數萬人得其鼓燄沙鉢羅與其子匿運婿閭啜等脫走趨石國定方於是息兵諸部各歸其所居通道路置郵驛掩骸骨問疾苦畫

疆場復生業凡為沙鉢羅所掠者悉括還之十姓安堵如故乃命蕭嗣業將兵追沙鉢羅定方引軍還沙鉢羅至石國西北蘇咄城人馬饑乏遣人齎珍寶入城市馬城主伊沮達官詐具酒食出迎誘之入閉門執之送于石國蕭嗣業至石國石國人以沙鉢羅授之蘇定方

傳從程知節征賀魯至鷹婆川賀魯率精騎五百馳擣賊衆大潰擢定方伊麗道行軍總管復征賀魯以任雅相同紇婆潤為副出金山北先擊處木昆部

云云同鑑

賀

魯奔石國為所拘彌射子元爽以兵與嗣業會縛賀魯以還由是修亭障列蹊隧定疆畛問疾苦唐之州縣極四海美高宗臨軒定方戎服奉賀魯以獻策功行賞

賀魯傳本西突厥默密可汗五世孫也始阿史那步真來歸國咄陸可汗以賀魯為葉護代步真居多邏斯川

咄陸失國

貞觀十六年

乙毘射匱可汗以兵迫逐賀魯無常

居部多散亡有執舍地三種以賀魯無罪往請可汗可

汗怒欲誅之乃與三種內附

二十二年四月乙亥

太宗優撫之累

擢左驍衛大將軍瑤池都督

二十三年二月戊子

處其部於庭州

莫賀城密招攜散廬幕益衆帝方崩即謀取西廷二州

刺史駱弘義以聞

永徽二年

高宗令賀魯遣子咥運入宿衛

帝遣還咥運即勸賀魯引而西取咄陸可汗故地建牙

于雙河千泉自號沙鉢羅可汗遂統咄陸弩失畢十姓

以咥運為莫賀啜葉護寇定州敗數縣殺掠數千人去

高宗乃詔梁建方契苾何力為弓月道行軍總管與高

德逸薩孤吳仁等討之然但能破處月永徽四年又以

程知節為葱山道行軍大總管擊之斬獲雖衆亦未得其要領至是乃遣定方為伊麗道行軍大總管率衆窮討定方以精騎至曳咥河西擊處木昆破之賀魯與十姓兵十萬騎來拒定方以萬人破之俘斬二萬衆乘勝逐北至賀魯牙二百里陣而行抵金牙山縱兵破其牙俘數萬人賀魯跳度伊麗水定方追至碎葉水盡奪其衆賀魯將奔鼠耨設至石國蘇咄城城主伊涅達干迎之既入拘送石國會蕭嗣業兵至取之乃悉散諸部兵

開道置驛收露齒問人疾苦賀魯所掠悉還之西域平
高宗命執賀魯獻昭陵赦弗誅

唐沙磧道行軍總管破奚契丹

紀顯慶五年五月戊辰定襄都督阿史德樞賓為總管
伐契丹十二月壬午及奚契丹戰敗之 通鑑四月戊
午樞賓及延陀梯真李合珠並為冷峽道行軍總管各
將所部討叛奚奚降更以樞賓等出砂磧道討契丹擒
其松漠都督阿卜固獻東都 薛仁貴傳與辛文陵破

契丹于黑山執其王阿卜固獻東都

唐左驍衛大將軍安撫大使俘都曼乾陽殿受

俘

紀顯慶四年十一月癸亥賀魯部悉結闕俟斤都曼寇
邊蘇定方為安撫大使以伐之五年正月癸卯俘都曼
以獻 通鑑顯慶四年思結俟斤都曼帥疏勒朱俱波
竭槃陀三國反擊破于闐十一月癸亥以左驍衛大將
軍蘇定方為安撫大使以討之蘇定方軍至業葉水思

結保馬頭川定方選精兵萬人騎三千足馳往襲之一
日一夜行三百里詰旦至城下都曼敗退保其城及暮
諸軍繼至遂圍之都曼懼而出降五年春正月定方獻
俘於乾陽殿法司請誅都曼定方請曰臣許以不死故
都曼來降願勾其餘生上曰朕屈法以全卿之信乃免
之葱嶺以西遂定

唐神丘道行軍大總管蘇定方俘百濟

紀顯慶五年三月辛亥右武衛大將軍蘇定方為神丘

道行軍大總管新羅王金春秋為嶠夷道行軍總管率
三將軍及新羅兵以伐百濟八月庚辰蘇定方及百濟
戰敗之十二月戊戌蘇定方俘百濟王以獻 通鑑顯

慶五年百濟恃高麗之援數侵新羅新羅王春秋上表
求救三月辛亥以左武衛大將軍蘇定方為神丘道行
軍大總管帥左驍騎將軍劉伯英等水陸十萬以伐百
濟以春秋為嶠夷道行軍總管將新羅之衆與之合執
八月定方引軍自成山濟海百濟據熊津江口以拒之

定方進擊破之百濟死者數千人餘皆潰走定方水陸
齊進直趨真都城未至二十餘里百濟傾國來戰大破
之殺萬餘人追奔入其郭百濟王義慈及太子隆逃北
境定方進圍其城義慈次子泰自立為王帥衆固守隆
子文思曰王與太子皆死而叔季擁兵自王借使能却
唐兵我父子必不全矣遂率左右踰城來降百姓皆從
之泰不能止定方命軍士登城立幟泰窘迫開門請命
於是義慈隆及諸城主皆降百濟故有五部分統三十

七郡二百城七十六萬戶詔以其地置熊津等五都督府以其酋長為都督刺史十一月戊戌朔上御則天門樓受百濟俘自其王義慈以下皆釋之 蘇定方傳定

方為神丘道大總管

定方名烈

率師討百濟自成山濟海至

熊津口賊瀕江屯兵定方出左涯乘山而陳與之戰賊敗死數千王師乘潮而上舳艫銜尾進鼓而譟定方將步騎夾引直趨真都城賊傾國來酣戰破之殺虜萬人乘勝入其郭王義慈及太子隆北走定方進圍其城義

慈子泰自立為王率衆固守義慈之孫文思率左右縋城下人多從之泰不能止定方使士登城建唐旗幟於是泰開門請命其將植與義慈降隆及諸城送款百濟

平俘義慈隆泰以獻

定方滅三國皆生執其王

東夷傳百濟扶餘

別種也濱海之陽直京師六千里而羸武德四年其王扶餘璋遣使獻果下馬自是朝貢高祖冊為帶方郡王後五年訟高麗梗貢道太宗貞觀初遣使平其怨又與新羅世仇數相侵帝賜璽書令忘前怨璋奉表謝然亦

兵不止再遣使入朝上優勞之十五年璋死太宗冊其子義慈為柱國紹王其國明年與高麗連和伐新羅取四十餘城又謀取党項城絕貢道新羅告急帝遣司農丞相里元獎齎詔解諭之聞帝親討高麗乃間取新羅七城久之又奪十餘城因不朝貢高宗立乃遣使來帝詔義慈還新羅城永徽六年新羅訴高麗百濟靺鞨取北境三十城顯慶五年乃詔左衛大將軍蘇定方率將軍劉伯英馮士貴龐孝恭等發新羅兵討之自成山濟

海百濟守熊津口定方縱擊敗之王師乘潮帆以進趨
真都城虜悉衆拒復破之斬首萬餘級拔其城義慈挾
太子隆走北鄙定方圍之次子泰自立為王

云云同
通鑑

定

方令士超堞立幟泰開門降遂執義慈隆及小王孝演

酋長五十八人送京師

一本云十一月定方執義慈
等案紀當在十二月必誤

平

其國五部三十七郡二百城戶七十六萬乃析置熊津

馬韓東明金連德安五都督府

唐鐵勒道行軍大總管破鐵勒

紀龍朔元年十月癸酉鄭仁泰為鐵勒道行軍大總管
蕭嗣業為仙萼道行軍大總管阿史那忠為長岑道行
軍大總管以伐鐵勒二年三月庚寅仁泰及鐵勒戰于
天山大敗之

三年正月仁泰討餘種平之

薛仁貴傳九姓衆十餘

萬令驍騎數十來戰仁貴發三矢殺三人軍中歌曰將
軍三箭定天山將士長歌入漢關 會要乾封元年三
月鐵勒道行軍大總管右武衛大將軍鄭仁泰左武衛
將軍薛仁貴破鐵勒之衆于天山

唐熊津道行軍總管破百濟

紀龍朔二年七月戊子右威衛將軍孫仁師為熊津道
行軍總管伐百濟三年九月戊子仁師及百濟戰于白
江敗之通鑑龍朔元年初蘇定方既平百濟留其將
劉仁願守百濟府城又以左衛中郎將王文度為熊津
都督撫其餘衆文度濟海而卒百濟僧道琛故將福信
聚衆據周留城迎故王子豐於倭國而立之引兵圍仁
願於府城詔起劉仁軌檢校帶方州刺史將文度之衆

便道發新羅兵以救仁願仁軌喜曰天將富貴此翁矣
於州司請唐歷及廟諱而行曰吾欲掃平東夷頌大唐
正朔于海表仁軌御軍嚴整轉鬬而前所向皆平下百
濟立兩柵於熊津江口仁軌與新羅兵合擊破之殺溺
死者萬餘人道琛等乃釋府城之圍退保任存城新羅
糧盡引還道琛自稱領軍將軍福信自稱霜岑將軍招
集徒衆其勢益張仁軌衆少與仁願合軍休息士卒二
年秋七月丁巳仁願仁軌大破百濟於熊津之東拔真

峴城初仁願仁軌等屯津熊城上與之敕書以平壤軍
同一城不可獨固宜拔就新羅若金法敏藉卿留鎮宜
且停彼若其不須即宜泛海還也將士咸欲西歸仁軌
曰人臣徇公家之利有死無貳豈得先念其私主上欲
滅高麗故先誅百濟留兵守之制其心腹雖餘寇克斥
而守備甚嚴宜厲兵秣馬擊其不意理無不克既捷之
後士卒心安然後分兵據險開張形勢飛表以聞更求
益兵朝廷知其有成必命將出師聲援才接凶醜自殲

非直不棄成功實亦永清海表今平壤之軍既還熊津
又拔則百濟餘燼不日更興高麗逋寇何時可滅今且
以一城之地居敵中央苟或動足即為禽虜縱入新羅
亦為羈客脫不如意悔不可追况福信殘虐君臣猜離
行相屠戮正宜堅守觀變乘便取之不可動也衆從之
時百濟王豐與福信等以仁願等孤城無援遣使謂之
曰大使等何時西還當遣相送仁願仁軌知其無備忽
出擊之拔其支羅城及尹城太山沙井等柵殺獲甚衆

分兵守之仁軌伺其稍懈引新羅兵夜傳城下攀草而上比明入據其城遂通新羅運糧之路仁願乃奏請益兵詔發淄青萊海之兵七千人以赴熊津福信專權與百濟王豐浸相猜忌福信稱疾卧於室欲俟豐問病而殺之豐知之帥親信襲殺福信遣使詣高麗倭國乞師以拒唐兵三年九月戊午熊津道行軍總管右威衛將軍孫仁師等破百濟餘衆及倭兵于白江拔其周留城初劉仁願劉仁軌既克真峴城詔孫仁師將兵浮海助

之百濟王豐南引倭人以拒唐兵仁師與仁願仁軌合軍執大振諸將以加林城水陸之衝欲先攻之仁軌曰加林險固急攻則傷士緩之則曠日持久周留城虜之巢穴羣凶所聚除惡務本宜先攻之若克周留諸城自下於是仁師仁願與新羅王法敏將陸軍以進仁軌與別將杜爽扶餘隆將水軍及糧船自熊津入白江以會陸軍同趨周留城遇倭兵于白江口四戰皆捷焚其舟四百艘烟焰灼天海水皆赤王豐脫身奔高麗王子忠

勝忠志等帥衆降百濟盡平惟別帥遲受信據任存城不下仁軌使黑齒常之沙咤相如攻任存城拔之遲受信棄妻子奔高麗詔留劉仁軌將兵鎮百濟召孫仁師劉仁願還百濟兵火之餘比屋彫殘僵尸滿野仁軌始命瘞骸骨籍戶口理村聚置官長通道塗立橋梁補隄堰復陂塘課耕桑賑貧乏養孤老立唐社稷頒正朔及廟諱百濟大悅闔境各安其業

金石錄有百濟班師碑
麟德元年馬大斌撰

唐遼東道行臺大總管李勣俘高麗獻俘昭陵

檄高麗含元殿數俘

紀乾封元年十二月己酉李勣為遼東道行臺大總管
率六總管兵以伐高麗二年八月辛未李勣及高麗戰
于新城敗之總章元年二月壬午李勣敗高麗克扶餘
南蘇木底蒼城巖城九月癸巳李勣敗高麗王高藏執
之十二月丁巳俘高藏以獻

丁卯郊祭以高麗平謝
成于天巳巳謁太廟

高麗傳高麗扶餘別種其地本周箕子之國漢樂浪玄
菟郡貞觀中蓋蘇文弑其君高建武而立其弟之子藏

為王自為莫離支專國帝聞自討之貞觀十九年破高

麗于駐蹕山攻安市城不克班師

其詳見駐蹕山段

二十一年

三月詔牛進達李勣等伐高麗取石城而還二十二年

詔薛萬徹等伐高麗圍灼城斬大酋一破其援兵三

萬乃還帝與長孫無忌計曰高麗困吾師之入不勝敵

矣明年以三十萬衆公為大總管一舉可滅也乃詔劔

南大治船儲糧械於三山浦烏胡島越州治大艦偶舫

以待會帝崩乃罷永徽五年藏以靺鞨兵攻契丹大風

矢還激大敗契丹遣使告捷高宗為露布于朝六年新

羅訴高麗黷鞬奪三十六城有詔程名振蘇定方帥師

討之

三月乙丑

至新城敗高麗兵而還

五月壬午戰于貴端水敗之

顯慶

三年復遣名振率薛仁貴攻之未能克

六月壬子拔赤烽鎮

後二

年

五年十二月壬午

天子已平百濟乃以左驍騎大將軍契苾

何力右武衛大將軍蘇定方率諸將討之龍朔元年八

月

甲戌

定方破虜于涓江奪馬邑山遂圍平壤明年龐孝

恭以嶺南兵壁蛇水蓋蘇文攻之舉軍沒定方解而歸

乾封元年蓋蘇文死子男生代為莫離支與弟男建男
產相怨男生據國內城遣子獻誠入朝求救蓋蘇文弟
亦請割地降六月壬寅乃詔契苾何力為遼東道安撫大

使龐同善高侃為行軍總管左武衛大將薛仁貴左監
門將軍李謹行殿而行九月同善破高麗兵男生帥師
來會十月詔以李勣為遼東道行軍大總管兼安撫大
使與何力同善并力詔獨孤卿雲由鴨綠道郭待封積
利道劉仁願畢列道金待問海谷道並為行軍總管受

勛節度明年正月勛次新城合諸將謀曰新城賊西鄙不先圖餘城未易下遂壁西南山臨城城人縛戎酋出降勛進拔城十有六郭待封以舟師濟海南趨平壤三

年

乾封三年即
總章元年

二月勛率仁貴拔扶餘城它城三十皆

納款同善偁守新城男建遣兵襲之仁貴救偁戰金山不勝高麗鼓而進銳甚仁貴橫擊大破之斬首五萬級拔南蘇木底蒼巖三城引兵略地與勛會侍御史賈言忠計事還帝問軍中云何對曰必克昔先帝問罪所以

不得志者虜未有繫也今男生兄弟閱很為我鄉道虜
之情偽我盡知之將忠士力臣故曰必克且高麗秘記
曰不及九百年當有八十大將滅之高氏自漢有國今
九百年勳年八十矣虜仍存飢地震裂狼狐入城蚡穴
於門人心危駭是行不再舉矣男建以兵五萬襲扶餘
勳破之薩賀水上斬首五千級俘口三萬器械牛馬稱
之進拔大行城契苾何力會勳軍鴨綠拔辱夷城悉師
圍平壤九月藏遣男庭率首領百人降且請入朝男建

猶固守出戰數北大將浮屠信誠遣謀約內應門啓兵
譟而入男建自刺執藏男建等收凡五部百七十六城
戶六十九萬詔勦獻俘昭陵十二月丁巳帝御含章殿引

見勦等數俘于庭赦藏為司平太常伯男產司宰少卿

授男建黔州剖其地為都督府者九州二十四縣百復

置安東都護府

咸亨元年四月其酋鉗牟岑反立安舜為王庚午詔高侃為東州道李謹行燕

山道行軍總管討之二年七月乙未朔侃破之安市城三年十二月又敗之泉山俘新羅援兵二千四年閏五月謹行破之於發盧河

俘賊萬計凡四年乃平

薛仁貴傳乾封初高麗泉男

生內附遣將軍龐同善高偁往慰納弟男建率國人拒弗納乃詔仁貴率師援送同善至新城夜為虜襲仁貴擊之斬數百級同善進次金山虜不敢前高麗乘勝進仁貴擊之凡數百級衆即潰斬馘五千拔南蘇木底蒼巖三城遂會男生軍仁貴負銳提卒二千進攻扶餘城諸將以兵寡勸止仁貴曰在善用不在衆殺賊萬餘人拔其城與李勣軍合扶餘既降它四十城相連送款威震遼海有詔仁貴率兵二萬與仁軌鎮平壤拜安

東都護移治新城撫孤制盜隨才任職高麗士衆皆欣然忘亡 元萬頃傳從李勣征高麗管書記使萬頃草檄責高麗 契苾何力傳率兵五十萬先趨平壤勣繼進攻凡一月拔之虜其王以獻

唐姚州道行軍總管平姚州蠻

紀咸亨三年正月辛丑姚州蠻寇邊太子右衛副率梁積壽為姚州道行軍總管以伐之 傳姚州境有永昌蠻咸亨三年叛高宗以梁積壽為總管討平之 中宗

紀景龍元年六月戊子吐蕃及姚州蠻寇邊姚舊道討擊使唐九徵敗之 會要神功元年閏十月蜀州刺史

張東之上表曰姚州古哀牢國光武季年始請內屬諸

葛破南中使渠帥統之不置漢官不留鎮守龍朔中武

陵簿石子仁奏置姚州

麟德元年五月八日置

其後將軍李義總

往征即將劉惠戰死州遂廢垂拱四年王善寶又請置

州延載中司馬成琛更置瀘南七鎮戍以蜀兵自是蜀

中騷擾乞罷姚州隸舊府不納 駱賓王集姚州道破

諾波弄楊虔露布浮竹遺嗣沉木餘苗地接冉駝詞屢
殫於喻蜀俗通槃瓠聲不輟於吠堯又破設蒙儉露布
竹浮三節肇興外域之源木化九隆頗為中國之患三
年疲衆徒聞定作之譏五月出師未息渡瀘之役鄭純
之化不追孟獲之風逾扇黃龍之約白馬之盟

唐雞林道行軍大總管敗新羅

紀上元元年二月壬午劉仁軌為雞林道行軍大總管
以伐新羅二年二月戰于七重城敗之通鑑上元元

年春正月

紀二月

壬午以左庶子同中書門下三品劉仁

軌為雞林道大總管衛尉卿李致右領軍大將軍李謹

行副之發兵討新羅時新羅王法敏既納高麗叛衆又

據百濟故地使人守之上大怒詔削法敏官爵其弟右

驍衛員外大將軍臨海郡公仁問在京師立以為新羅

王使歸國二年二月劉仁軌大敗新羅之衆於七重城

又使靺鞨浮海畧新羅之南境斬獲甚衆仁軌引兵還

詔以李謹行為安東鎮撫大使屯新羅之買肖城以經

畧之三戰皆捷新羅乃遣使入貢且謝罪上赦之復新
羅王法敏官爵金仁問中道而還改封臨海郡公 新
羅傳新羅弁韓苗裔也武德四年王真平遣使入貢後
三年拜柱國封樂浪郡王貞觀五年獻雅樂更數世並
襲封為王龍朔元年以其國為雞林州大都督府授其
王法敏都督咸亨五年納高麗叛衆畧百濟地守之帝
怒云云 劉仁軌傳咸亨五年即上元元年 東伐新羅率兵
絕瓠蘆河攻大鎮七重城破之

唐史部侍郎裴行儉執都支

碎葉城刻石紀功

紀調露元年六月辛亥吏部侍郎裴行儉伐西突厥九

月壬午裴行儉敗西突厥執其可汗都支

十一月癸未帝親勞宴日

行儉提孤軍深入萬里兵不血刃叛黨禽夷可謂文武兼備矣

傳咸亨二年阿史那

步真死以西部突部酋阿史那都支為左驍衛大將軍

兼匭延都督以安輯其衆

四月甲申

儀鳳二年乃自號十姓

可汗及李遮匭誘蕃落以動安西與吐蕃連和朝廷欲

討之行儉曰吐蕃叛渙方熾安可更生事西方今波斯

王死其子泥涅師質京有如遣使立之即路出蕃若權
以制事可不勞而功也帝因詔行儉冊送波斯王且為
安撫大食使至西州諸蕃郊迎行儉名豪傑千餘自隨
揚言大熱未可以進宜駐軍須秋都支覘知之不設備
行儉徐召四鎮酋長偽畋遊謂曰吾念此樂未始忘孰
能從吾獵者於是子弟願從者萬人乃陰勒部伍數日
倍道而進去都支帳十餘里先遣其所親問安否若外
閒暇非討襲者又使人趣召都支都支本與遮旬計及

秋拒使者已而聞軍至倉卒不知所出率子弟五百餘人詣營謁遂禽之是日傳契箭名諸部渠長悉來請命並執送碎葉城簡精騎約齋襲遮匐道獲其使者釋之俾諭其主遮匐乃降悉俘至京師將吏為刻石碎葉城以紀功

王方翼築碎葉城

唐定襄道行軍大總管裴行儉破泥孰可汗

平突厥

通鑑高宗調露元年冬十月單于大都護府突厥阿史

德溫傳奉職二部俱反立阿史那泥孰匄為可汗單于
管二十四州酋長應之衆數十萬遣鴻臚卿單于大都
護府長史蕭嗣業左領軍衛將軍苑大智左千牛衛將
軍李景嘉等將兵討之嗣業等先戰屢捷因不設備會
大雪突厥夜襲其營嗣業狼狽拔營走衆遂大亂為虜
所敗死者不可勝數十一月癸未上宴裴行儉謂之曰
卿有文武兼資今授卿二職乃除禮部尚書兼檢校右
衛大將軍甲辰以行儉為定襄道行軍大總管將兵十

八萬合西軍檢校豐州都督程務挺東軍幽州都督李文
文暕總三十餘萬以討突厥並受行儉節度永隆元年
三月裴行儉大破突厥于黑山禽其酋長奉職可汗泥
孰匭為其下所殺以其首來降奉職既就禽餘黨走保
狼山詔戶部尚書崔知悌馳傳詣定襄宣慰將士且區
處餘寇行儉引軍還 紀調露元年十一月甲辰禮部
尚書裴行儉為定襄道行軍大總管以伐突厥永隆元
年三月戰于黑山敗之

開耀元年正月寇原慶二州癸巳裴行儉為定襄道大總管以

伐突厥閏七月庚申敗之九月壬戌裴行儉俘
突厥溫傳可汗阿史那伏念以獻乙丑改元

突厥

傳行儉既破虜於黑山其下斬泥孰訶以首降禽溫傳
奉職以還餘衆保狼山永隆中溫傳又迎頡利族子伏
念于夏州渡河立為可汗諸部響應明年遂寇原慶二
州復詔行儉總諸軍以曹懷舜李文暕副之壁代州之
陘口縱反間說伏念令與溫傳相貳因遣兵擊伏念敗
之伏念與懷舜遇戰一日為伏念所敗伏念益北留輜
重妻子保金牙山會行儉縱單于鎮兵躡之伏念意王

師不能遠不設備及兵至惶駭不得戰遂遣使間道詣行儉且請縛溫傳自效行儉祕不布密以聞後數日煙塵漲天而南溫傳來降行儉虜送京師斬東市於是突厥餘黨悉平帝悅遣戶部尚書崔知悌勞軍

唐河源軍經畧大使敗吐蕃

紀高宗永隆元年七月己卯吐蕃寇河源辛巳左武衛將軍黑齒常之為經畧大使開耀元年五月己丑及吐蕃戰于良非川敗之黑齒常之傳贊婆等入寇屯良

非川常之為河源軍副使引精騎三千夜襲其軍斬二千級獲羊馬數萬拜經畧大使建言河源當賊衝增兵鎮守乃斥地置烽七十所墾田五千頃食衍士精永隆二年贊婆營青海常之掩破之燒糧廩獲羊馬甲首不貲

吐蕃傳贊婆復入良非川常之擊走之

武后紀長壽元年十月丙戌

武威道行軍總管王孝傑敗吐蕃克四鎮久視元年閏七月丁酉吐蕃寇涼州隴右諸軍副大使唐休璟敗之于洪源谷吐蕃傳長壽元年武威總管王孝傑率西

州都督唐休璟左武衛大將軍阿史那忠節擊吐蕃大

破其衆復取四鎮更置安西都護於龜茲以兵鎮守

唐休

璟請復四鎮遂命王孝傑擊吐蕃

會要

十一月一日復四鎮龜茲于闐疏勒碎葉

唐休璟傳

久視元年秋吐蕃大將麴莽布支率騎數萬寇涼州入

洪源谷休璟以兵數千臨高望之被甲先登六戰皆克

斬二將獲首二千五百築京觀而還吐蕃來請和休璟

儒而知兵自碣石踰四鎮山川夷阻障塞之要皆能言

行師未嘗敗 證聖元年欽陵贊婆攻臨洮王孝傑

戰素羅汗山虜敗還又攻涼州殺都督贊婆死遣
左肅政臺御史大夫魏元忠為隴右諸軍大總管
率大使唐休璟出討方虜攻涼州休璟擊之斬二
千級於是論彌薩來朝請和明年獻馬黃金求
昏

唐瓜州長史薛仁貴破突厥

通鑑永淳元年突厥餘黨骨篤祿元珍等據黑沙城寇
并州及單于府北境薛仁貴擊元珍于雲州大破之

薛仁貴傳為瓜州長史右領軍衛將軍檢校代州都督
率兵擊突厥元珍於雲州突厥問曰唐將為誰曰薛仁
貴突厥曰吾聞薛將軍流象州死矣安得復生仁貴免
胃見之突厥皆相視失色下馬羅拜稍稍遁去仁貴因
進擊大破之斬首萬級獲生口三萬牛羊稱是

唐安西副都護敗突厥

紀永淳元年二月突厥車薄

姓十

咽麴

姓三

寇邊四月辛未

裴行儉為金牙道行軍大總管率三總管兵以伐突厥

安西副都護王方翼及車薄咽麴戰於熱海敗之 傳
車薄啜圍弓月城方翼戰伊麗河敗之咽麴兵十萬踵
至方翼次熱海遣騎分道襲之禽首領突騎施等三百
人初葛水暴漲沈祭以禱即涉而濟葉河無舟而冰一
夕合時以為祥西域平 弘道元年二月庚午突厥寇
定州刺史霍王元軌令開城門偃旗幟虜疑不敢入敗
之垂拱三年八月寇朔州燕然道行軍大總管黑齒常
之敗之

唐朝方道行軍大總管破突厥

通鑑景龍元年五月戊戌右屯衛大將軍張仁愿為朔方道行軍大總管備突厥十月丁丑命擊之引兵夜掩其營破之明年二月丙辰築三受降城

唐磧西節度使執西突厥

紀開元二年三月己亥磧西節度使阿史那獻執西突

厥都檐

六月丁卯獻于闐下

傳長安中獻為北庭大都護擢節

度使十姓部落都檐叛獻擊斬之傳首闐下取碎葉以

西帳落三萬內屬

一云五萬餘帳

璽書嘉慰

壺漿塞陌襁負

而來

唐北庭都護敗突厥

紀開元二年二月突厥寇北庭都護郭虔瓘敗之

閏月癸未

阿失畢降十月十姓胡祿屋等降三年二月帝置酒勞虔瓘

郭虔瓘傳開元初遷

右驍衛將軍兼都護金山道副大總管明年

二年二月乙未默

啜子同俄特勒圍北庭虔瓘飭壘自守同俄單騎馳城

下勇士狙道左突斬之虜亡酋長丐降

二年四月戊午賞功封虔瓘太

原郡公食二千戶郭知

運介休縣公一千戶

推日逐之遺種斬天驕之愛

息

唐左羽林將軍隴右防禦大使破吐蕃

紀開元二年八月乙亥吐蕃寇邊薛訥攝左羽林軍將
軍為隴右防禦大使右驍衛將軍郭知運為副以伐之
十二月甲子薛訥及吐蕃戰于武階敗之吐蕃傳本

西羌屬居析支水西祖曰鶻提勃悉野健武多智後其
子孫曰吐蕃而姓勃罕野或曰南涼禿髮利鹿孤之後

直京師八千里其國多雷霆積雪自弃宗弄贊貞觀八年始遣使來朝太宗下書臨撫乃遣使求昏帝不許遂勒兵二十萬入寇乃詔吏部尚書侯君集為行軍大總管及執失思力牛進達劉蘭並為行軍總管率步騎五萬進達自松州夜鑿其營斬首千級弄贊懼引而去以使者來謝罪固請昏十五年妻以宗女文成公主襁褓屬襲紉綃為華風遣子弟入國學習詩書帝伐遼還治黃金為鵠以獻高宗擢駙馬都尉進封西海郡王賜餉

蕃渥永徽初弄贊死立孫幼不事故祿東贊相其國顯慶三年復請昏未幾擊吐谷渾破其國東贊死兄弟並當國自是歲入邊盡破有諸羌羈縻十二州咸亨元年復入殘羈縻十八州於是安西四鎮並廢詔以大將軍薛仁貴等進討初劔南度茂州之西築安戎城以迓其鄙俄為生羌導取之以守因并西洱河諸蠻盡臣羊同党項諸羌其地東與松茂嶺接南極婆羅門西取四鎮北抵突厥幅員萬餘里漢魏諸戎所無也幾三十年為

邊患皆其臣欽陵贊婆二人所為其王弃弩悉弄以其

專欲誅之欽陵自殺贊婆以所部款塞贊普自將兵萬

騎攻悉州都督陳大慈四戰皆克

長安二年十月戊申

明年乃獻

馬黃金求昏而虜南屬帳皆叛會贊普死棄隸踰贊立

中宗以雍王守禮女為金城公主妻之詔左衛大將軍

楊矩持節送之

景龍元年四月

吐蕃陰銜怒厚餉矩請河西九

曲為公主湯沐矩表與之九曲者水甘草良宜畜牧自

是虜益張雄開元二年

八月乙亥

其相至達延將兵十萬寇

臨洮入攻蘭渭掠監馬詔薛訥為隴右防禦使與王駿等并力擊之駿等戰武階斬首萬七千級獲馬羊二十萬又戰長子豐安軍使王海濱戰死乘之虜大敗衆奔突不能去相枕藉死洮水為之不流 薛訥傳

又王駿傳吐

蕃大酋坐達延乞力徐等衆十萬寇臨洮次大來谷坐達延以兵踵而前駿率所部二千與臨洮軍合料奇兵七百易胡服夜襲去賊五里士大呼鼓角應之賊驚疑自闕死者萬計訥至武階距大來谷二十里駿迎訥

郭知

運與訥駿
相犄角

夜使壯士銜枚廩突虜駭去追至洮水敗之

俘獲如積又戰長城堡殺鹵數萬禽其酋六鄉彌洪命

紫微舍人倪若水即軍陟功狀

先是十月丙辰下詔欲
親征甲子戰武階驛大

克乙丑
罷親征

唐松州都督破吐蕃

紀開元四年二月辛酉吐蕃寇松州癸酉都督孫仁獻

及吐蕃戰敗之七月丁丑請和

唐大武軍子將斬默啜

紀開元四年六月癸酉大武軍子將郝靈佺殺突厥默
啜突厥傳骨啜祿死默啜自立為可汗篡位數年始

攻靈州多殺畧士民武后以薛懷義癸十八將軍擊之

延載元年三月

不見虜還會契丹李盡忠反默啜請擊賊自效

詔冊拜遷善可汗又冊立功報國可汗

通鑑元年十月

遣使求

六州降戶并粟農器鐵等

神功元年

后不許默啜怨為慢言

執使者田歸道乃歸粟器降人數千帳由是突厥遂強
負勝輕中國有驕志大振兵與頡利時畧等中宗詔張

仁亶為朔方總管明年築三受降城於河外障絕寇路
初景雲中默啜西滅婆葛遂役屬契丹奚因虐用其下
既年老愈昏暴部落怨叛玄宗時開元二年四月壬子十姓請降
葛邏祿等亦率衆內附虜勢浸削會默啜討九姓拔野
古戰獨樂河拔野古大敗默啜歸不為備道大林中拔
曳固野古殘衆突出擊斬之乃與入蕃使郝靈佺傳首京
師

唐冠軍大將軍隴右諸軍節度大使鄯州都督

兼隴右經畧使敗吐蕃獻獲

紀開元五年七月壬寅郭知運及吐蕃戰敗之 郭知

運傳突厥降戶叛執單于都護張知運詔以朔方兵追

擊至黑山呼延谷敗之取副都護還詔兼經畧使營柳

城開元五年大破吐蕃獻俘京師

六年正月甲子獻俘

明年復出

將輕兵丙夜至九曲獲精甲名馬犛牛甚衆既獻獲詔

分賜文武五品以上及朝集使 紀開元二十八年三

月壬子益州司馬章仇兼瓊敗吐蕃克安戎城五月癸

卯寇城又敗之

詔改城曰平戎

唐朔方軍節度大使執蘭池胡

紀開元九年八月蘭池胡康願子寇邊

是年四月庚寅康待賓寇邊七

月巳酉王暁執之巳丑進封

十年四月巳亥張說持節朔方軍節度

大使閏月壬申張說巡邊九月張說敗康願子于木盭

山執之張說傳王暁討蘭池叛胡康待賓詔說經畧

時党項羌亦攻銀城說擊破之羌胡相猜待賓遁入鐵

建山餘衆奔潰明年為朔方大使時慶州方渠降胡康

願子反自為可汗掠牧馬西陟河出塞說進討至木槃
山禽之俘獲三千

唐北庭節度使破吐蕃

紀開元十年九月癸未吐蕃攻小勃律北庭節度使張
孝嵩敗之吐蕃傳十年攻小勃律國其王沒謹忙詔
書孝嵩曰勃律唐西門失之則西方諸國皆墮吐蕃都
護圖之孝嵩遣疏勒副使張思禮以步騎四千晝夜馳
與謹忙兵夾擊吐蕃死者數萬多取鎧仗馬羊復九城

故地始勃律王來朝父事帝還國置綏遠軍以扞吐蕃
故歲常戰吐蕃每曰我非利若國我假道攻四鎮爾及
是累歲不出兵於是隴右節度使王君奭請深入取償
十二年破吐蕃獻俘

其後吐蕃西擊勃律帝諭
令罷兵不聽卒殘其國

唐朝方軍節度大使兵部尚書信安王禕破突
厥

實錄開元十年十一月丙申禕凱旋引將士見帝置酒
享之勅曰窮寇覆巢而奔北羣師掉鞅而來歸

又冊府
元龜

唐河西隴右節度使破吐蕃

紀開元十五年正月辛丑河西隴右節度使王君奭及

吐蕃戰于青海敗之

四月丙午君奭凱旋詔置食朝堂宴之及將士並賜物一云置酒

內殿

王君奭傳為節度判涼州都督事十四年悉諾邏

寇大斗拔谷遂攻甘州君奭勒兵避不戰會大雪吐蕃

趨西道歸豫遣謀出塞燒野草皆盡悉諾邏頓大非川

無所牧馬死過半間其急率秦州都督張景順約齊窮

躡出青海西乘冰渡襲破之虜留輜重疲弱俘以旋凱

旋玄宗宴君奭及妻夏於廣達樓賜金帛 蹈赤山焚
罽幕獵青海驅羴牛

唐河西節度使判涼州事破吐蕃露布

紀開元十五年九月吐蕃寇瓜州執刺史田元獻閏月
回紇襲甘州王君奭死之十六年七月吐蕃寇瓜州刺
史張守珪敗之乙巳隴右節度使張志亮河西節度使

蕭嵩克吐蕃大莫門城

通鑑云破吐蕃於渴波谷

八月辛卯及吐蕃

戰于祁連城敗之 蕭嵩傳吐蕃大將悉諾邏恭祿及

燭龍莽布支陷瓜州回紇又殺涼州守將王君奭河西隴
大震帝擇堪任邊者十五年十月辛巳徙嵩河西節度
使判涼州事嵩以建康軍使張守珪為瓜州刺史及裴
寬郭虛已牛仙客置幕府立埤塢保邊人於是悉諾邏
恭祿威愴諸部吐蕃倚其健噬邊嵩乃縱反間贊普誅
之使悉末明攻瓜州守珪拒甚力虜引卻會鄯州都督
張志亮破賊青海西

破大莫門城
焚橐它橋

嵩又遣副將杜賓客

隴右節
度使

率強弩四千戰祁連城下自晨鬪迄晡斬一將

吐蕃傳云斬副將
一上級五千首

虜哭震山谷露布至帝大悅 又明

年

十七年三月
戊戌

守珪率伊沙等州兵破虜大同軍

唐舊州都督克雲南

紀開元十七年二月丁卯舊州都督張審素克雲南昆

明城鹽城 傳玄宗詔特進何履光以兵定南詔境取

安寧城及五鹽井復立馬援銅柱

天寶八載十月履光
率十道兵伐雲南

唐隴右節度副大使信安王禕克石堡

吐蕃傳開元中

十八年三月
甲寅

信安王禕出隴西拔石堡城

即置振武軍獻俘於廟

四月

其後吐蕃請和不許乃悉衆

四十萬攻承風堡又襲攻振武軍蓋嘉運不能守天寶

四載

八月

隴右節度皇甫惟明戰石堡不克

又明年惟明破虜獻俘京

師

帝以哥舒翰節度隴右八載詔翰以朔方河東郡兵

十萬攻石堡城數日未克翰怒捽其將高秀巖張守瑜

將斬之秀巖請三日期如期而下更號神武軍又擒其

相元論樣郭遂以赤領為西塞開屯田備軍實紀天

寶八載六月乙卯隴右節度使哥舒翰及吐蕃戰石堡

城敗之

閏六月乙丑
以為神武軍

實錄哥舒翰收石堡獻功帝御

丹鳳樓會羣臣下制褒獎

唐河北河東道行軍元帥禽奚契丹

紀開元十八年五月乙酉奚契丹附于突厥六月丙子

忠王浚

肅宗

為河北道行軍元帥九月丁巳忠王浚兼河

東道諸軍元帥二十年正月信安王禕為河東河北道

行軍副元帥以伐奚契丹三月己巳信安王禕及奚契

丹戰于薊州敗之五月戊申忠王浚俘奚契丹以獻

通鑑開元十八年初契丹王李邵固遣可突干入貢同
平章事李元紘不禮焉左丞相張說謂人曰奚契丹必
叛可突干狡而很專其國政久矣人心附之今失其心
必不來矣五月乙酉可汗弒劬固帥其國人并脅奚
衆叛降突厥奚王李魯蘇及其妻常氏劬固妻陳氏皆
來奔制幽州長史趙含章討之又命中書舍人裴寬給
事中薛侃等於關內河東河南北分道募勇士六月丙
子以單于大都護忠王浚領河北道行軍元帥以御史

李朝隱京兆尹裴佑先副之帥十八總管以討奚契丹
命浚與百官相見于光順門張說退謂學士孫邈韋述
曰吾嘗觀太宗畫像雅類忠王此社稷之福也可突于
寇平盧先鋒使張掖烏承玼破之於捺祿山秋九月丁
巳以忠王浚兼河東道元帥然竟不行二十年春正月
乙卯以朔方節度副大使信安王禕為河東河北行軍
大總管將兵擊奚契丹壬申以戶部侍郎裴耀卿為副
總管三月信安王禕帥裴耀卿及幽州節度使趙含章

分道擊奚契丹含章與虜遇虜望風遁去平盧先鋒將
烏承玘言于含章曰二虜劇賊也前日遁去非畏我乃
誘我也宜按兵以觀其變含章不從與虜戰于白山果
大敗承玘別引兵出其右擊虜破之己巳禕等大破奚
契丹俘斬甚衆可突干帥麾下遠遁餘黨潛竄山谷奚
酋李詩瑱高帥五千餘帳來降禕引兵還賜李詩爵歸
義王歸義州都督徙部落置幽州境內 肅宗紀開元
十八年奚契丹寇邊乃以帝為河北道行軍元帥遣御

史大夫李朝隱等八總管兵十萬伐之居二歲朝隱等
敗契丹于范陽北 信安王傳率裴耀卿諸將分道出
范陽北擊二蕃破之禽酋長以還餘部竄伏 契丹傳
本東胡種其先為匈奴所破保鮮卑山至元魏自號曰
契丹其君大賀氏開元二年王失活率部落來歸玄宗
賜丹書鐵券後三年失活死弟娑固襲封玄宗置松漠
府以失活為都督松漠郡王有可突干者勇悍得衆娑
欲去之反為所攻娑固死可突干遣使者謝罪詔赦之

乃奉卽固統衆詔許襲王明年可突于來朝不為宰相
李元紘所禮鞅去後三年遂殺卽固立屈烈為王脅
奚衆共降突厥詔拜忠王浚河北道行軍元帥云云可突
干走奚衆降王以二蕃俘級告諸廟

王不行

唐幽州長史河北節度副大使俘契丹

紀開元二十二年六月壬辰幽州節度使張守珪俘契
丹以獻十二月乙巳守珪及契丹戰敗之殺其王屈烈
詔自今戰有
功必告廟

傳開元三年契丹婆固襲封松漠郡王

有可突干者反攻娑固奉娑固弟鬱于為君遣使謝罪
詔拜鬱于為王而赦可突干擢左羽林衛將軍鬱于死
弟吐于嗣與可突干有隙攜公主來奔可突干奉邵固
統眾詔許襲王從封禪徙王廣化郡以宗室出女為東
華公主妻邵固後三年可突干殺邵固立屈烈為王脅
奚眾共降突厥公主走平盧軍拜忠王浚河北道元帥
信安郡王禕副元帥與范陽節度趙含章擊之大破之

明年

二十一年閏三月癸酉

可突干盜邊幽王長史薛楚玉等不

能制烏知義羅守忠敗郭英傑吳克勤死之帝擢張守珪為幽州長史河北節度副大使每戰輒勝虜遂大敗帝喜詔有司告九廟屈刺及突于恐懼乃詐降守珪得其情遣左衛騎曹王悔詣部計事屈刺即屈烈也無降意徙

帳稍西北密引突厥衆將殺悔其衙官李過折與可突于爭權不叶悔因間誘之夜斬屈刺及可突于盡滅其黨以衆降守珪次紫蒙川大閱軍實賞將士傳屈刺突于首於東都拜過折北平郡王為松漠都督冊府元

龜開元二十年三月信安王禕及幽州長司趙含章大
破叛奚及契丹于幽州之北敕曰干旄所指不戰而潰
山谷遺類盡為俘馘疾如震霆動若神助宜擇日告享
陵廟 張九齡作開元紀功德頌曰出幽陵兮轡九夷
簸赤山兮蕩滄海

唐磧西節度使執突騎施太廟獻俘

紀開元二十三年十月戊申突騎施寇邊二十四年正
月丙午北庭都護蓋嘉運敗之八月甲寅請和二十七

年八月乙亥磧西節度使蓋嘉運敗突騎施于賀邏嶺

執其可汗吐火仙

傳嘉運俘吐火仙骨啜獻太廟

突厥傳突騎施別

種蘇祿自為可汗雄西域開元五年來朝然詭猾不純

臣于唐天子羈係之進號忠順可汗陰結吐蕃掠四鎮

圍安西城俄而大首領莫賀達于都摩支殺蘇祿

通典二十

六年都摩支立蘇祿子吐火仙骨啜為可汗居碎葉城共

擊達于帝使磧西節度使蓋嘉運和撫西方諸國達于

與嘉運率石王史王共擊蘇祿子破之碎葉城吐火仙

棄旗走禽之斬黑姓可汗與弟撥斯入曳建城諸國皆
降諸部上書謝願以部落附安西永為外臣許之以阿
史那懷道子昕為十姓可汗達干怒誘諸落叛詔嘉運
招諭乃率羣官首領降遂命統其衆 通典開元二十
七年安西都護蓋嘉運率將士詣闕獻俘上御花萼樓
宴之以吐火仙獻太廟

唐河西節度副大使敗吐蕃

紀開元二十五年三月辛卯河西節度副大使崔希逸

及吐蕃戰于青海敗之二十六年三月癸巳寇河西希
逸敗之鄯州都督杜希望克其新城二十七年八月壬
午寇邊河西隴右節度使蕭景敗之天寶元年十二月
戊戌隴右節度使皇甫惟明及吐蕃戰于青海敗之庚
子河西節度使王倓克吐蕃漁海游奕軍二年四月巳
卯皇甫惟明克吐蕃洪濟城 傳蕭景河西留後杜希
望隴右留後分道經畧碎赤嶺碑希望發鄯州兵奪虜
河橋並河築鹽泉城號鎮西軍破吐蕃兵三萬天寶元

年惟明破虜大嶺軍戰青海破莽布支斬三萬級孫
逖賀云合戰之時反風破敵決勝之後卿雲靄空

唐四鎮節度使克達奚諸部

傳夫蒙靈譽為四鎮節度會達奚諸部叛自黑山西趨
碎葉有詔邀擊靈譽使都知兵馬使高仙芝以二千騎
追躡達奚行遠人馬疲禽馘畧盡封常清於幕下潛作
捷布具記井泉次舍克賊形勢謀畧

唐朔方節度使靈州都督王忠嗣破米施可汗

大同靜邊城 平戎十八策

王忠嗣傳開元二十九年節度朔方兼靈州都督天寶

元年

十二月庚子

北討奚怒皆戰紫乾河三遇三克耀武漢

北高會而還時突厥新有難忠嗣進軍磧口經畧之烏

蘇米施可汗請降忠嗣以其方強特文降爾乃營木刺

蘭山謀虛實因上平戎十八策縱反間於拔悉密與葛

邏祿回紇三部攻多羅斯城涉昆水斬米施可汗

三載八月

丙午築大同靜邊二城徙清塞橫野軍實之併受降振武

為一城自是虜不敢盜塞 突厥傳天寶初突厥大部

回紇葛邏祿拔悉密並起殺葉護國人奉判闕特勒子

為烏蘇米施可汗帝使使者諭令內附烏蘇不聽其下

不與拔悉密等三部共攻烏蘇米施三載

八月丙午

拔悉密

等殺米施傳首京師獻太廟其弟白眉可汗立於是突

厥大亂國人推拔悉密首為可汗詔朔方節度王忠嗣

以兵乘其亂抵薩河內山擊其左阿波達干十一部破

之

四載正月丙戌

獨其右未下而回紇葛邏祿殺拔悉密可汗

奉回紇骨力裴羅為骨咄祿毗伽闕可汗明年殺白眉
可汗傳首以獻毗伽可汗妻骨咄祿婆匄可敦亦率衆
自歸天子御花萼樓宴羣臣賦詩美其事實厥遂滅
通鑑天寶元年八月丁亥突厥西葉護千餘帳來降九
月辛亥上御花萼樓宴突厥降者賞賜甚厚以狄攻
狄寧勞六月之師有征無戰豈待三年之克

唐安西副都護平小勃律國

紀天寶六載安西副都護高仙芝及小勃律國戰敗之

高仙芝傳開元末為安西副都護小勃律其王為吐
蕃所誘妻以女故西北二十餘國皆羈屬吐蕃自田仁
琬以來三討之皆無功天寶六載詔仙芝以步騎一萬
出討仙芝自安西過撥換城入握瑟德經疏勒登葱嶺
涉播密川遂頓特勒滿川行凡百日特勒滿川即五識
匿國也仙芝分軍為三使疏勒趙崇玘自北谷道撥換
賈宗瓘自赤佛道仙芝與監軍邊令誠自護密俱入約
會連雲堡涉婆勒川遂登山挑戰日未中破之拔其城

斬五千級生禽千人馬千餘匹衣資器甲數萬計仙芝

欲遂深入遂引師過坦駒嶺下娑夷河

弱水也

既行三日

越胡來迎明日至阿弩越城遣將軍席元慶以精騎一

千先往謂小勃律王曰不闕若城吾假道趨大勃律耳

城中大酋領皆吐蕃腹心仙芝密令元慶賜以繒綵至

皆縛以待仙芝至悉斬之王蘇失利之及妻逃山穴仙

芝招諭乃出降因平其國急遣元慶斷娑夷橋其暮吐

蕃至不克渡八月仙芝以小勃律王及妻自赤佛道還

連雲堡與令誠俱班師於是拂菻大食諸胡七十二國
皆震懾降附詔改其國號歸仁置歸仁軍募千人鎮之
帝赦蘇失利之不誅西域傳小勃律去京師九千里
王居孽多城臨娑夷水開元初王沒謹忙來朝玄宗以
兒子蓄之以其地為綏遠軍吐蕃奪其九城求救北庭
節度使張孝嵩遣疏勒副使張思禮率銳兵四千倍道
往大破吐蕃復九城詔冊為小勃律王

唐安西四鎮節度使執突騎施石國王開遠門

獻俘

紀天寶十載正月戊申高仙芝執突騎施可汗及石國王傳仙芝劾石國王無蕃臣禮九載請討之王約降仙芝遣使者護送至開遠門俘以獻斬闕下

實錄帝御勤政樓會

羣臣引見

石或曰柘支曰柘析漢大宛北鄙也武德貞觀

間數獻方物顯慶三年以瞰羯城為大宛都督府授其王都督開元初封石國王二十八年又冊順義王天寶初封王子那俱車鼻施為懷化王賜鐵券



玉海卷一百九十一